



BIBLIOTHECA  
UNIV. JAGELL.  
CRACOVENSIS

586275-276

kat. komp.

Mag. St. Dr.

I

Biblioteka Jagiellońska



stdr0000897



586275-276

1

Mag. St. Dr.

T  
De



QUADRIGA  
SACERDOTUM  
AD COELUM,  
SIVE  
PRÆDESTINATIO  
SACERDOTALIS,

Per Quatuor Novissima ju-  
giter expensa.

AUTHORE

R. P. MICHAELE  
RYCHALSKI,

Pœnitentiario & Seniore Pſal-  
teristarum Ecclesiæ Cathedra-  
lis Vladislaviensis.

S. HIERONYMUS.

*Legant prius, & postea despi-  
ciant, ne videantur non ex  
iudicio, sed ex odij presum-  
ptione ignorata damnare.*

*Recusum.*

VILNÆ, Typ: Acad: A. D. 1707.



*Habac: 3.*

Quadrigæ tuæ Salvatio.

*Sap: 7.*

Memorare Novissima tua, &  
in æternum non peccabis.

*S. Bernardus.*

Novissima sunt quatuor,  
MORS, IUDICIUM, GE-  
HENNA, GLORIA. Quid  
horribilius Morte? quid terri-  
bilius Iudicio? quid intollera-  
bilius Gehenna? & quid jucū-  
dius Gloria? *In Serm:*

586276

*D. Augustinus.*

Qui novissima non provident,  
in Mortem & damnationem  
vadunt. *Tom. 9. Spec. peccat.*  
*cap. 1.*

APPRO-




APPROBATIO.

**L**ibellum sub titulo QUADRI-  
GA Sacerdotum ad Coelum,  
in Quatuor Novissimis, accu-  
rate satis ab Adm Rudo Dno Mi-  
chaële Richalski, Pœnitentiario  
& Seniore Psalteristarũ, Eccl-ſie  
Cathedralis Vladislaviensis Con-  
stitutũ legi diligenter, atq; typis  
evulgandum, ad usum boni Spiri-  
tualis. Die 7. April. Anno Do-  
mini 1682. permisi.

CHRISTOPHORUS BERNE-  
WICZ S. T. Doct. Canonicus  
& Surrogatus pro tunc Officij  
Vladislaviensis.

REIMPRIMATUR.

Concedit Officium Consisto-  
riale Viennense.



PRÆFATIO  
AD SACERDOTES.


**I**N Amaltheæ capræ pelle  
 angebant fabulæ se lege-  
 re Diphtheram Iovis, res  
 futuras indicantem. At verò Di-  
 phtera prædestinationis Sacerdo-  
 talis est liber Quatuor Novissimo-  
 rum. Est volumen quatuor folio-  
 rum. Primum ejus folium est  
 Mors; Secundū, Judicium; Ter-  
 tium, Infernus; Quartum, Cœ-  
 lestis Gloria. Hæc Diphtera, hic  
 liber quotannis per quatuor anni  
 tempora est perlegendus; ita, ut  
 singula folia sibi vendicent tres  
 Menses, quibus ea legas attentè,  
 & facias id quod suadet DEVS

*Eccl: 7. In omnibus operibus tuis, memorare Novissima tua, & in æternum non peccabis. Vbi alij in Biblijs Versionum legunt: In omnibus verbis tuis, memor sis mortis. Hoc enim est signū prædestinationis tuæ ne damneris. Crede S. Ambrosio, & cum illo Deum ora sic: Illud magnoperè peto, diem obitûs, diem extremi iudicij, damnationē extremi supplicij, beatitudinemq; Regni futuri semper meminerim. Quod nemo indefinenter potest, nisi qui ad Vitam præordinatus est æternam. Nemo nemo id faciet, nisi præordinatus. Præordinatus erat Divus Bernardus, quia inferni semper memor fuit: dum clamaret ad IESVM: Ne permittas me damnari, quē tu de nibilo creasti. Præordinatus S. Augustinus, qui sic ora-*

orabat: Domine per sanctissimas  
 poenas tuas, quas ego indignus re-  
 colo, & per Sanctam Crucem &  
 Mortem tuam, libera me a poenis  
 inferni, & perducere digneris, quò  
 perduxisti latronem tecum cruci-  
 fixū. Præordinatus erat S. Phi-  
 lippus Nerius, qui solebat dicere:  
 Qui non it ad infernū vitus, pe-  
 riculū subit, ne eat mortuus. Præ-  
 destinatus deniq; S. Chrysostomus,  
 qui verbo & exemplo, hanc O-  
 mibus Novissimorum memoriam  
 instanter commendabat. Unde  
 fertur ipse imaginem victam in  
 muro sui cubituli habuisse; sole-  
 batq; dicere: Nemo eorum qui  
 gehennam ob oculos habent, in ge-  
 hennam incidet (en signum Præ-  
 destinationis) nemo contemnentū  
 gehennam effugiet. Episcopi, qui  
 gregem verbo Dei pascere tenen-



zur, hoc à Consecratione accipere solent documentum in sua Consecratione: Annos æternos in mente habe: quibus verbis commemorantur, ut continuam æternitatis, viteq; future foveant memoriam, hocq; punctum omnes sibi commissos edoceant populos; ut illis præluxit S. Pachomius, qui longam exhortationem his terminavit verbis: Ante omnia præ oculis habeamus ultimum diem, & momentis singulis æternorum dolorum supplicia formidemus. Iam verò non commoveri ad virtutē, vel non amoveri à peccato Novissimorum commemoratione, aut lectione; signum esse reprobationis Ludovicus Granatensis asserbat: Si quis, ait, ad hæc ipsa que dicimus (nimirum de die iudicij) torpet, & languet, nihil q̄  
ma-



magis afficitur, quam si hac omnia ad illum minime pertinerent, vehementissimum hoc cecitatis, obdurationis, & reprobationis argumentum est. Conc. I. Domin. 2. Advent: Cave igitur ne sis e' cecis. Nam ut scribit gemens S. Cyprianus lib. 1. Epist. 3. Illorum flenda & lamentanda conditio est, quos sic Diabolus excecat, ut aeterna Gehennae supplicia non cogitent. Ergo in omnibus operibus tuis, memorare Novissima tua, & in aeternu non peccabis. Eccl: 7.

*Ultima si Vita mortalis fata resoltvas:*

*Omni criminibus tempore liber eris.*

*Sapius extremi si Iudicis ora resoltvas:*

A 4

Omni

Omni criminibus tempore liber  
eris.

Sapius Inferni pœnas si mente  
revolvas:

Omni criminibus tempore liber  
eris.

Deniq̄ celestis spectes si gaudia  
Regni:

Omni criminibus tempore liber  
eris.



CAPUT I.  
MORS

*Sacerdotis terribilior.*

**S**Tatutum est omnibus hominibus, proindeque omnibus Sacerdotibus semel mori. Inquit Apostolus *ad Heb. 9.* In hoc enim naturæ debito, erit sicut populus sic Sacerdos. *Isai. 24.* Mors, inquit Philosophus, omnium rerum est horribilis, sed Sacerdotum horribilior. Moriendum igitur Sacerdoti est, qualiscunquè sit, Mortis in eum sententiâ prolata est, sed quo tempore? quâ horâ? serò, an mediâ nocte? an galli cantu? an mane? *Marci 13.* non constat. Nihil certius Morte, nihil incertius eius horâ, inquit

quit *Origenes in Lib. 6. numer:*  
 Poena certa est, hora incerta, mo-  
 riendum tamen est, idquè semel  
 tantum, **si** pluries, si bis, quod u-  
 na vice deesset, suppleretur alte-  
 ra: sed statutum est, semel mo-  
 ri. Alia Dei statuta violant mul-  
 ti: fortè tu quoquè aliquod ex  
 ijs violasti: sed hoc implere de-  
 bebis, cum ille volet. Interim ex  
 illo mortis momento, salutis, vel  
 damnationis pendet æternitas.

*S. Augustinus Serm. 102. de  
 temp.* Solerter observabat voca-  
 bulum hoc *Mors*, suum ethymon  
 à morſu derivare: à primo ete-  
 nim Protoparentis nostri mor-  
 ſu; *Mors* in orbem intravit, ac  
 propterea inquit: *Mors à Mor-  
 ſu nomen accepit.* Sed eheu! hic  
 morſus amarissimus, quo arētissi-  
 mum corporis & animæ vincu-

lum, adeò violentè dirumpitur,  
 ut Rex ille Agag, inter extre-  
 mam hanc luctam vociferari au-  
 ditus fit: *Siccine separat amara*  
*Mors. 1. Regum 15.*

*Petrus Blesensis, serm. 3. de S.*  
*Nicolao, introducens Ecclesiam*  
 Dei, filios suos, ne mortem time-  
 rent, exhortantem, introducit  
 pariter & filios eidem hisce ver-  
 bis respondentes. Quid est: quid  
 dicis Mater? Nemo carnem su-  
 am odio habuit; etiam Christus  
 horruit mori, Petrus ductus est  
 ad Crucem nolens, Apostolus  
 optat, si fieri potest supervesti-  
 ri non spoliari. Quid ergo fa-  
 ciet Virgula campi, ubi concuti-  
 tur Cedrus Libani! Omnino o-  
 pus Mortis horrendum divorti-  
 um. *teste S. Bernardo sermone.*  
*26. in Cant.*

*Hinc*

*Hinc S. Gregorius lib. 24. Moral. cap. 17. ait: Sæpè crescit pavor mortis in electis vicinâ retributione justitiæ, & urgente solutione carnis, quantò magis districtum Iudicium, jamjamque quasi tangitur, tantò vehementius formidatur. Et si ea quæ sciunt, nunquã prætermisisse meminert, formidant tamen illa quæ nesciunt; quia videlicet semetipsos dijudicare, & comprehendere omninò non possunt, atq; urgente exitu, subtiliori terrentur metu.*

*Isaiæ 38. Dum Ezechix Regi, Propheta jam adesse mortẽ nuntiaret, ad dispositionemque Domûs suæ exhotaretur, dicens: *Dispone domui tuæ quia morieris & non vives:* expavit, & totus confusus, convertit faciem su-*

suam ad parietem, & flevit Eze-  
 chias fletu magno. Hic S. Hiero-  
 nymus sistit, ac pedem suæ cō-  
 templationis firmans, sic ait:  
 Certè justus erat Ezechias & cor-  
 de perfecto. Iturus erat ad Do-  
 minum plorare non debuit, ac si  
 diceret: Miror causam mœroris  
 ac fletus Sanctissimi hujus Regis:  
 Deus ipsum per Prophetam ad  
 nuptias æternæ invitat gloriæ, at-  
 tamen plangit & flet, sed quæ  
 causa tanti mœroris? respondet  
 Sanctus Doctor: Quæris ratio-  
 nem fletuum? si cogitaveris ho-  
 minē, non miraberis causam do-  
 loris. Sāctus erat Ezechiel Rex,  
 opera ejus sancta, vita ejus sine  
 macula, coram omni erat popu-  
 lo, sed hæc opera hominis non  
 Angeli erant, fragilitati huma-  
 næ subjecta; poterant esse macu-  
 lata



lata, ex alio fine non ita recto pa-  
 trata, idè timet cognoscens se  
 miserum & peccatis subjectum,  
 Quòd si Ezechias in quantum ho-  
 mo & Rex adeò timuit mori, &  
 Sacerdoti qui vitâ Angelus esse  
 debet, mors non erit terribior;  
 O quàm funestâ! quàm horren-  
 da mors eorum, qui in Ecclesia-  
 sticis ordinibus vel muneribus  
 constituti, infideliter vel perfun-  
 toriè se gesserunt; qui neglecto  
 Dei cultu, & Ecclesiæ obsequio,  
 vitijs se immerferunt, cupidi-  
 tatibus obsequuti sunt, & carnis  
 curam fecerunt in desiderijs. Ve-  
 nient tunc in cogitatione peccato-  
 rum suorum timidi, & traduent  
 illos ex aduerso iniquitates ipso-  
 rum, & erūt decedentes sine hono-  
 re, & in cõtumelia inter mortuos  
 in perpetuum. *Sap. 4.*

At

At quæ tunc angustia, quis animi cruciatus, quis terror miserum Sacerdotem invadit? cum & præteritæ vitæ tam inutiliter, tam culpabiliter impensæ recordatur, & mortis instantis acerbos dolores perſentit, & proximè futuri judicij exitum perhorreſcit. Nam *ut ait D. August: Tract. 38. in Ioan:* Sæpiſſimè antequam agat pœnitentiam, iuſto Dei judicio in peccato moritur, ut mors ſit vitæ ſceleratæ conſentanea, Dominus enim (*inquit O-leaſter in cap. 23. num.*) non cõſuevit dare mortem juſtorum, niſi juſtis; ſicut nequè mortem impiorum, niſi impijs.

*Sanctus Bonaventura* ſimilitudini inſiſtens everſioni Hieroſolimitanæ, ait: Dæmones animas circumdant in mundo, coanguſtant

stant in extremo, prosternunt in inferno. Circumdant in tentatione, coangustant in expiratione, prosternunt in damnatione. *Dominicâ 9. post Pent.* Sub hoc inimico (*inquit S. Damianus ferm. de S. Martino*) casus frequens, & respiratio difficilis: de hoc rara, & nunquam segura victoria: huic voluntas semper iniqua, & fallendi principatus. Ideò sanctissimi etiam viri in hora mortis illum timuerunt.

*D. Bernardus.* Morti jam vicinus, *Scribit ad Hugonem Bone Vallis Ep.* 310. Orate Salvatorem, ut tempestivum exitum non differat, sed custodiat. Curate munire votis, calcaneum nudum meritis, ut is qui insidiatur, irvenire non possit, ubi figat dentem, & vulnus infligat.

S.

*S. Eligius Noviomenſis  
Antistes Sanctiſſimus, in extremis  
poſitus ſic oravit: Aperi mihi  
properanti januam vitæ, & Prin-  
ceps tenebrarum non occurrat  
mihi, nec conturbent me pote-  
ſtates hujus æris, ſed clemens  
dextera tua protegat me, & po-  
tentia tua defendat me. Surius  
Tom. 5.*

*B. Philippus Benitus Funda-  
tor Religionis Servorū B. MA-  
RIÆ Virginis, legitur, in agone  
mortis ſuæ, terribilem quandam  
habuiſſe viſionem, in qua ſibi ſe  
coram tribunali Dei præſentari  
videbatur, ubi dæmon leves de-  
fectus nonnullos ei improperabat,  
ut cum ad deſperationem indu-  
ceret. Vita ejus.*

*Ioannes Thaulerus, Notabi-  
lis*

lis perfectionis homo, Morti vicinus, cepit gestus terribiles ac paventes edere, impatienter luctari, fremere, ac velle fugere nec posse; huc illic manus jactare, oculos sædum intorquere, aspectu esse formidabili: ut vitæ ejus historia scribit. Quidam verò amicus hoc spectaculo perterritus in longinquam se contulit Regionem, tertia autem itineris sui nocte audivit vocem: Ne metue; ego sum amicus tuus ante triduum mortuus; ex qua Thaulerum agnoscens, interrogavit ubi esset: cui Thaulerus: ita Iudex in me fieri decrevit, ut ad beatitudinem tantò expeditius transirem, quanto in morte difficilius pugnarem. Et reverà in eas me angustias cacodæmones adduxerunt tam subtilibus ac prevalidis,

*dis fallacis impugnârunt, ut mihi  
viderer desperationi proximus.*

*Platus lib: I. c. 31.* Scribit de  
Cunone qui cùm quadraginta an-  
nis in sæculo, sæcularibus planè  
moribus vixisset, religiosam de-  
inde disciplinam secutus, trien-  
nio pòst piè defunctus est. Quo  
tempore narravit Dæmon, qui  
energumenam obsidebat, se, & a-  
lios ex suis ad quinque millia, in  
morientis Cellam convenisse; sed  
repulsi, ut aiebat, clamoribus va-  
lidis tonsuratorum, *Religiosos ap-  
pellabat:* adiecitq; insignem sibi à  
DEO iniuriam factam, quòd cùm  
Cuno annis 40 ipsis Dæmoni-  
bus, DEO autem tribus duntaxat  
servisset, hanc tamen pædam su-  
is unguibus ereptam, in cælum e-  
volâsse. Quin etiam, quod mirabi-  
le videri possit, de calcatrice ser-

pen

pentis infernalis Beatissima DEI  
 Genitrice, refert *Vincentius Bel-  
 luacensis lib: 7. c. 70. spec: hist: &*  
 ante ipsum alij complures, eam  
 Filium rogasse ne videret in tran-  
 situ suo ex hac vita, malos Spi-  
 ritus; & prout petierat, impe-  
 trasse.

Quod si tot Sanctissimæ per-  
 sonæ hunc extremum Dæmonis  
 conflictum usquè adeò exhorru-  
 erunt, quid nobis miseris statu-  
 endum erit, quorum tota vita  
 peccatum frequens, rara pæni-  
 tentia, exilis iustitia est. Obstu-  
 pesce super cæcitate tot infelici-  
 um sacerdotum, qui de istis nun-  
 quam cogitant; vide ne de illo-  
 rum numero sis, cumquæ statu-  
 tum sit semel mori, nequæ possis  
 corrigere errorem semel male  
 moriendo cõmissum; disce bo-

*nae* mortis industriam variam; &  
 varijs, disce etiam ab illis, qui  
 malè obierunt supremum diem.  
*Ioannes Baptista Scotti, liq: 2. c.*  
 2 de Missa, meminit impuri cu-  
 iusdam sacerdotis, qui a Bonæ  
 Valis Religiosis in familiari ser-  
 mone sæpè admonitus, nihilo ta-  
 men melior, in morbum tandem  
 incidit. Agone imminente, suc-  
 curre, aiebat, ad Cænobij Priorem  
 ut Vocant, succurre! deprecare  
 citò Dominum; ut eripiar his le-  
 onibus, hiante ore, ac rictu in me  
 irruentibus. Oravit Pater: impu-  
 rus ille liberatus est: nequè ta-  
 men resipuit. Nempè qui ad ex-  
 trema differunt pænitentiam tum  
 sunt duriores. Vix elapso ho-  
 ræ spatio (quod certè ad pæni-  
 tentiam illi concesserat bonus  
 Deus) alia omnia & nihil minus,  
 quam



quàm de respiscendo cogitans,  
 iterum repente in has voces e-  
 rupit: Festina, adiuua, ora; si for-  
 tè ab hoc etiàm igne, qui de cæ-  
 lo torrens inundans descendit,  
 ut me comburat, eripi valeam. Et  
 neque tunc de animæ salute ul-  
 la cogitatio. Tum ab alto quo-  
 dam silentio sibi redditus ac-  
 iulans, ha! ha! aiebat, ad iudi-  
 cium æternum raptus sum! &  
 heu! æterna morte damnatus  
 sum; traditusque horrendis tor-  
 toribus igne inextinguibili per-  
 petuo cruciandus. Ecce ignita  
 sartago, quam ad me frigendum  
 succendunt. Cessa iam, cessa o-  
 rare pro me, nullatenus exaudi-  
 endus. Patri, vitam, illi adeoq;  
 pænitentia locum, adhuc esse  
 dicenti, & dolorem inculcanti;  
 Tu, ait ille infelix, tu putas  
 me.

me insanire. Non infanio, non.  
 Et dum hæc loqueretur, in-  
 quit author, gutta illius ignei  
 humoris de sartagine exiliens  
 in manum eius, vidente Priore  
 cutem & carnem, usq; ad inte-  
 riora ossis consumpsit. Impurus  
 verò æger, acri cum gemitu  
 En! inquit indubia rei probatio;  
 & reflexâ cervice, animam tra-  
 didit Spiritibus condemnatis.  
 Mors peccatorum pessima. Si  
 gutta inferni talis est, quid est  
 Oceanus: Disce hic etiam casti-  
 tati tuæ providere, mortis pul-  
 vere meditato.

In revelationibus S. *Brigitte*  
 de libidinoso quodam Sacerdote  
 refertur, quòd cum Sæpius, sed  
 incassum, ad se emendandum  
 monitus fuisset; acciderit, ut  
 cum diè quadam ad pascendum  
 equum

equum in pratum suum concessisset, plura cælitus delapsa fuerint fulmina, quæ ei percussio subitam intulerunt mortem, & quidem ut manifestum fieret supplicium, hoc ei in suæ impudicitæ & libidinis pænam accidisse: toto corpore ab ignibus illæso manente, solæ arserunt & consumptæ sunt partes genitales. Lib: 2. c. 2.

*S. Petrus Damiani l. 5. ep: 16.*  
de Clerico dicto Zeuzolino scribit, qui, dum urbs flagraret incendio, in una domo cum pellice sua repertus utriquè simul igne consumpti.

*Cuylcius Episcopus Buremund:*  
in Speculo concubinarum scribit de parcho quodam gulæ & concubinatui dedito, qui cum moneretur, ut resipisceret,  
B respon.

respondebat se de salute secū-  
rum esse, nec habere opus, ni-  
si quinque verbis: *Deus propi-  
tius esto mihi peccatori.* Sed va-  
nam fuisse spem, exitus proba-  
vit. Cū enim quādam vice è  
popina temulentus domum re-  
diret, dæmonem in hirci specie  
in itinere obvium habuit, quem  
cum verbis & attactu mulceret,  
iratus hircus irruit in eum, &  
ingvinarias partes cornibus pe-  
tens, lethalem ictum inflixit,  
quo vulnere in terram concidit,  
amisso mentis usu. Ad spectacu-  
lum inter multos accurrentes,  
fæmina muta non sine miracu-  
lo Pastorem allocuta: *Eloquere  
nunc quinque illa verba, quibus  
salutem tuam securam dicebas?*  
Ille verò statim è vivis est su-  
blatus.

Ioannes

*Ioannes Dominicus Ottonellus,*  
 in libro, nonnulla monita cir-  
 ca periculosam conversationem  
 continente, scribit anno 1628.  
 Parochum quendam fuisse, qui  
 cum constanter concubinam alu-  
 isset, tandem gravi & periculo-  
 so morbo oppressus est; ad quem  
 cum Notarius vocatus ad te-  
 stamentum faciendum hortatus  
 fuisset, nihil aliud, quam has  
 voces: *ab! istæ meretrices;* ex-  
 pressit, unde cum re infecta abijs-  
 set, iterum sequenti manè e-  
 ius concubina ad ipsum venit,  
 ei que cum insolito tremore nar-  
 ravit, se à Parocho isto paulò  
 ante mortem vocatam, & tres  
 fellas, proximè ad lecti spondam  
 collocare iussam esse, quo facto,  
 cum ipsa nonnihil ad latus se-  
 cessisset, ipsum cum alijs, quos

tamen illa non viderat, colloctum, postea ad ipsam accedentem dixisse: *ibimus*; illâq; respondente, in villam ibimus, si valetudinem recuperaverimus, iterum subiecisse; *ibimus non in villam, sed ad infernum*. Et scias mecum tres ex orco dæmones hîc confidisse, qui decretoriam damnationis sententiam denuntiârunt; quibus verbis cum turbata exivisset, paulò post audita horrendâ vociferatione rediisse in cubiculum, & Parochum mortuum invenisse, sulphureum fætorem tam gravem exhalâsse, ut pænè exanimis fuerit prostrata.

Cracoviensis quidam Prælatus nobilissimo ex genere oriundus, cum ad arcem quandam profectus, post cænam opiparè sumptam remotis mensis, omnes præter

ter concubinam, cum qua multis  
 annis libidinem suam expleverat,  
 ex conclavi exivisse iussisset, in-  
 choato noctis primo silentio,  
 concubinâ ad satisfaciendum na-  
 turæ egressâ; à nonnullis viris te-  
 tris, nigris, proceris, & flammis  
 vomentibus, cubiculum ingressis,  
 tam crudeliter interemptus est,  
 ut famuli qui ianuam nullâ vi re-  
 ferare poterant, tandem per fene-  
 stram ascendentes, eundem diu  
 frustra quæsitum, tandem sub le-  
 cto instar globi convolutum, ex  
 toto sangvinolentum, nigrum, in-  
 formem, & abominandum, omnia  
 ossa fracta, humumque, le-  
 ctum, & parietes, recenti cruore  
 madidos & fædatos repererint.  
*Idem ex relatione Polon: 1642.  
 facta.*

*Ioannes Kokfort, Bossoviensis*

*Parochus*, poculis plus æquo ad-  
 dictus, cum die quâdam cum no-  
 bilibus duobus & propinquis à  
 potu temulentus rediret, arripi-  
 ens lagenam vino plenam, nobi-  
 lem provocat, ut uno haustu il-  
 lam ambo evacuarent; recusante  
 verò altero, ego, inquit, sum Sa-  
 cerdos & Pastor, tu verò nobilis  
 & sæcularis, non audebis mihi de  
 tantillo potu respondere? Nobi-  
 lis ergo iratus, age, inquit & ebi-  
 be prius, ego sequar. Dum ergo  
 lagenam ferme evacuavit Sacer-  
 dos, retrorsum cecidit, quasi  
 mortuus, & statim in lectum de-  
 latus, crepuit medius, ac die se-  
 quenti extinctus est. *Oliverius in  
 relat:*

Anno 1550. Magnus pro pul-  
 pitis & Cathedris, tum Theolo-  
 gus, tum Ecclesiastes, adiit occa-  
 sionem



sionem obscenam; laxavit frænz  
 carnis licentiæ & sceleri proxi-  
 mus, viso horrendo Molosso, per-  
 pavefactus quidem est, tamen  
 contempto monstro, in lubricum  
 scelus ruit. Sed spectrum illud  
 ipso prostibulo id spectante, sce-  
 leratum illum è fædis reæ fæmi-  
 næ amplexibus avulsum, atq; ab-  
 reptum mordicûs, & morfu, &  
 ungue humi prosternit: tanto  
 quanto potest dentium ac pedum  
 nisu, in supinum deiecti pectus  
 grassatur, perfodit, scrutatur, di-  
 lacerat, ipsumq; cor de sede sua  
 avulsum, ac divulsum in partes,  
 devorat. Vidit hæc tremens scor-  
 tum cadaveris lacerati, & similia  
 exspectabat. Sed lupam illam tra-  
 gediæ nuntiam voluit Deus ut re-  
 sipisceret. Ergo manè anhela ad  
 Sacramentum pænitiæ advo-

lat; rem enarrat. Adijt locum is, qui sceleratum sæpe, sed nullo exitu monuerat è cænobio Sacerdos; & funestissimum Divinæ vindictæ theatrum vidit: hominem agnovit: pectus horridè sine corde hians introspectit. *Hautinus de Eucharist: num: 492.*

Ex Antistitis in Gallobelgica hæc narrantis ore constat, id quod ante annos non multos contigit, & est: Sacerdos in pago, seu curio, ancillæ turpiter familiaris, paulò postquam illa è sacri- lego peperisset, Sacramentis expiatus obierat diem. Adhuc in lecto erat cadaver, cum adrepens horrendus bufo, super ejus cor confedit, cum timore adstantium. Compertum est, quòd post obitum ab eo pænitiæ Sacramentum, ancilla spurium ad eum

attulerit. Cor obscænum dæmo-  
num bufonum, delicix. Idem ib:

*Ioannes Persyn Religiosi Ordini  
desertor, fertur: Anno 1616.  
Duaci repertus in suo cubiculo  
trucidatus, & extractum cor è vi-  
sceribus manu tenens. Pater Na-  
das.*

*S. Elphago Cantuarie Archie-  
piscopo spectante, unum quempi-  
am, quem in asceterio habebat,  
hominem corporis & gulæ com-  
modis apprimè addictum, tres  
dæmones noctu taureis & ignitis  
serpentibus cecidère, ac illi mise-  
ricordiam imploranti respondê-  
re: Non cessamus, non obedimus  
tibi, quia non obedi visti Deo tuo.  
Ita illi inter flagra tristissimam  
animam extorsère. In vita ejus  
19. Aprilis.*

Moriebatur in Anglia vir opi-

nione suâ quidem religiosus, at  
 lingvâ non item, adeoq; cuius va-  
 na fuerat religio. Audax in mo-  
 res aliorum acerbius, nec leviter  
 perstringendos, famamq; tradu-  
 cendam illi erat lingua & licen-  
 ter dicax. Monebatur, ut vitâ  
 præteritâ expiatâ, futuræ vitæ  
 per exomologesim consulere. sed  
 ille sine ullis ambagibus despe-  
 ranter: *non faciam*, inquit: Urge-  
 bant illi; ecurr id nollet, quod in  
 æternitatis limine iacenti, adeo è  
 re fore sat sciret. *Quia non pos-  
 sum*, ait æger. Adhibebantur apta  
 supremo illi tempori argumenta,  
 at ille exertam horrendum lin-  
 gvam digito pulsans: *Ista inquit,  
 lingua pessima me damnavit*, di-  
 xit; & intumescente adeo, ut re-  
 dire in os non posset, reâ lingvâ  
 infelix iacuit, & funestam ani-  
 mam

mam eiecit, lingvâ post mortem etiam extra os exprorectâ, & tetrum in modum tumidâ relictâ.

*Kearnaus Dominic: 2. Advent: num: 21. è Veter: Author:*

*D. Bonaventura Præcept: 5. refert* idiotam Eremitam illudum à dæmone, qui ei svasit, ut illud peccatum eorum, in quorum manibus iniquitates sunt, peccatum Onan morte repentinâ percussi, *Gen: 38.* (quo inquinatos, molles appellat Apostolus) non putaret esse peccatum. Persvasit, & ille in vitio illo vivebat fordidus; ac in eo volutabatur ut porcus, licet asperam vitam duceret. Morientis animam rapuit idem consultor dæmon, miratus est alius Eremita hominem vitæ adeò austeræ fuisse damnatum: sed respondit Angelus; eum ob voluntariam il-

Jam ac Deo detestatam fæditatem  
fuisse damnatum.

*Nebridius Canonicus Regularis*  
*S. Augusti in suo Antiquario E-*  
*pist: 86. scribit. De Francisco Bur-*  
*gundo ex Ordine Capuccino-*  
*rum, cujus desperatæ mortis plu-*  
*res fuere Mauriani in Sabaudia*  
*Canobij Religiosi spectatores.*  
Ajebat is in morte se superioris  
munus ambivisse, atq; ad illud  
per hypocrisim adrepisse; ut va-  
riâ hospitum occasione, lautius  
gulam suam haberet. Idcirco aje-  
bat vitam suam omnem fuisse am-  
bitionem, gulam, hypocrisim: se  
fuisse Judam, esse damnatum. De-  
flebat suos bolos, & honores; &  
abiectis e manica cereo Agno  
Dei, rosario, ac regulis ad singu-  
la exclamavit: *Damnatus sum! in*  
*æternum! in æternum!* Et adhuc  
al-

altiùs gemens, ejulans, exclamans dixit: *O in æternum!* Et infelici morte horrendam æternitatis suæ domum ingressus est, mox extinctus.

In Flandria tres impuri ganeones, cum scortis suis altum stertentes, sub noctem effractis portis, viderunt cacodæmonem habitu venatorio intrantem, & cum eo duos parvos cocos. Unus eorum lecto extractus, veru infigitur, & luculento igne extracto, spectantibus socijs probè assatur, & ne visum inahem putes, manè collegam suum reperere omnino assatum, scio locum & ordinem, *inquit Delrius disquisit: Magic: l. 3. q. 7. sec: 7.* Sed utrumq; silentio involvo.

*S. Bonaventura in Vita S. Francisci c. 12.* De Canonico quodam

dam commemorat luxurioso, qui infirmus sanitati à S. Francisco restitutus & monitus, ne ad vomitum rediret: ille verò monitorem contemnens, & iterum peccans, cum in ædibus cujusdam Canonici cænaret, de repente totâ domus structurâ corruente, solus è convivis eâ ruinâ tactus, oppressus, & sepultus est.

Fuit & alter Canonicus juvenis, qui in juventute à Magistro quodam suo peccatum mollitiei edoctus, quondam post cænam cum consanguineis sumptam in lectum concessit, paulò post horrendum clamare & auxilium implorare incipiens, cum ad confessionem avvocato Decano, & alijs Canonicis excitaretur, terribilibus oculis Decanum aspexit, dixitq; *Væ! Væ illi! qui seduxit*



me! ad quid Divinum adjutori-  
um invocabo! ecce iam video pa-  
tulum infernum, presentes demo-  
nes ad rapiendum me avidè inbi-  
antes. Et clausis oculis ab ijs, qui  
meliora svadebant faciem aver-  
tens, cum duris clamoribus ani-  
mam exhalavit. Ita Cantipratan-  
us scribit l. 2. Apum c. 30.

Idem Author l. 1. c. 19. & se-  
quenti, aliquot exempla refert his  
verbis: vidi ego, inquit: in Eccle-  
sia Parisiensi quatuor Archidiaconos sic defungi. Primus eorum de  
equo phalerato cecidit, & fractâ  
cervice exspiravit. Secundus ma-  
nè in Cathedra sedens mortuus  
est repertus. Tertius in Choro  
stans, cum ad Missam elevatio SS.  
Corporis Christi fieret, cecidit  
resupinus, & subtractâ loquelâ  
cum sensu, quasi brutum animal  
ter-

tertiâ die sine Sacramentis defunctus est. *Quartus* Confessionem Sacramentaq; recusans, mortuus est, & extra cæmeterium sepultus.

Non omnino improbatæ vitæ erat quidam Pappulus teste *Gregorio Turonensi, Hist. Franc. l. 5. c. 5.* quem successorem acceperat. *B. Tetricus Episcopus Lingonensis:* cæterum cum degeneraret à Majoribus suis, & anteactâ vivendi formâ, deletus est de libro vitæ, neq; sine prodigio: Anno enim octavo Episcopatus sui cum Diæceses & villas Ecclesiæ circumiret, quâdam nocte dormienti illi apparuit *B. Tetricus* vultu minaci, cui ita. *Quid tu, inquit, hic Pappule! Ut quid sedem meam polluis? Ut quid Ecclesiam pervadis? Ut quid oves mihi creditas dispergis? Cede loco, relinque*

que sedem, abscede longius à Regione. Et hæc dicens, virgam quam habebat in manu, pectori ejus cum ictu valido impulit. In quo ille evigilans, dum cogitat quid hoc esset, fixè in loco illo defigitur, ac dolore maximo cruciatur, abhorret cibum potumq; & tertiâ die cum sanguinem ore projiceret, expirat.

*Trevirensis Frontonius* in ipsa cui cum scorto suo affidebat mensa, ab Angelo interfectus est, ne sanctum Episcopi nomen scelerato scandalo pergeret inquinare  
*P. Nadasi in Anno Angelic:*

*De Zawisza Cracoviensi Episcopo in Annalibus Ecclesiasticis Anno 1382. apud Raynaldum legitur, quòd dum in quadam villa, seu prædio suo, cuidam Virgini loci illius vim inferre conaretur,*  
 & ejus

& ejus pudicitiam contemeraret, confestim cecidit mortuus, cumque cadaver illius cum solempni pompa ad Ecclesiam Cathedralē sub noctem sepeliendum deferretur, funestus eventus sequens ibidem accidit. Ferunt enim auditos strepitus, & hinnitus equorum discurrentium, dæmonumq; voces vociferantium: *Proficiscamur meretricatum.*

*Abud Cerdam de excellentium Spirituum c. 21. n. 16. è Ximēnio & Vasconcello* refertur Angelus in Simoniacum Coloniensem Archiepiscopum, caeleste fulmen torsisse, quo ille in sede Pontificia ipso consecrationis suæ die spectantibus omnibus absumptus conflagravit.

Ibidem Raynerius Episcopus Argentinæ, vir in egenos durissimus

mus, ab Angelo scissus est medius.  
 Alter immisericors & crudelis  
 Episcopus *Moguntinus Hatto*  
 nomine, à muribus consumptus  
 fuit, de quo fufius postea dicetur.

Anno 1066. *Reginberus Mi-*  
*nensis Episcopus*, dum suscepto  
 Episcopatu Goslaricam venisset,  
 post refectionem in cubiculum,  
 ubi thesauros suos, quorum nimis  
 amator erat, nullo conscio info-  
 derat, quasi paululum requiesce-  
 re volens, sese inclusit. Cumq;  
 iam die vergente in vesperam,  
 præter modum consuetudinemq;  
 suam somno indulgere videretur,  
 rem insolitam mirantes cubicula-  
 rij, pulsare ostium cæperunt, sed  
 nec pulsantibus, nec vociferanti-  
 bus ullum dabatur responsum.  
 Tandem effractis foribus irrum-  
 pentes, invenerunt eum fractis  
 cer-

cervicibus, colore retro exanimem, ipsis thesauris suis mirabilem in modum incumbentem.

*Baronius ad Annum 1066.*

Affine huic est, quod de quodam Diœcesis Cantuariensis Sacerdote scribit *Abrahamus Bzovius ad an: 1278.* Hic cum periculose ægrotaret, Franciscanos aliquot fratres quos de salute animæ suæ consuleret, accersivit: qui cum properè accessissent, ille tempus extrahens; quoniam inquit de itinere fatigati estis, reficite paululum, ego verò paulò post vos evocabo. Dimissis interim omnibus è cubiculo, præterquam puerulo quodam, eundem ad se accersens, aperit, ait, hanc arcam ac defer mihi argenteum discum, quem in ea reperies. Erat autem torus auro & argento oppletus:  
quem

quem acceptum & in sinu positum  
 fixo continuatoq; obtutu, ma-  
 gnaq; cum voluptate intuens, ac-  
 ceptos nummos in os demittere  
 cepit. Ibi puer motum mente  
 existimans Sacerdotem, citato  
 cursu è solario, alios famulos ad-  
 vocaturus descendit: qui cum in  
 continenti advenissent, repere-  
 runt hominem iam mortuum, ca-  
 daverq; illius prorsus nudum, hu-  
 mi proiectum, nummisq; quasi  
 undequaq; contectum, quod spe-  
 ctaculum ingentem terrorem om-  
 nibus spectantibus incussit, &  
 ad detestationem avaritiæ indu-  
 xit. *Quàm verè dixit S. Augu-  
 stinus: Non potest bene mori,  
 qui malè vixerit, & vix bene mo-  
 ritur, qui malè vixit.*

Per mortem enim quæ est por-  
 ta æternitatis; ibit homo & quili-  
 bet

bet Sacerdos in domum æternitatis suæ, quam ipse sibi ædificat in vita, bonis malisvè operibus velut lapidibus. In morte Deum amantis extingvetur ignis inferni, ut illum non possit urere vel terrere. At in morte impij accendetur perpetuus ignis inferni. *Benedictus XII.* Definimus, inquit, quòd secundùm ordinationem Dei communem, animæ decedentium in peccato mortali, mox post mortem suam, ad inferna descendunt, ubi pænis infernalibus cruciantur: & quòd nihilominus in die iudicij omnes homines ante Tribunal Christi cum suis corporibus comparebunt, reddituri rationem.

*Quocirca sanctè monet S. Clemens Papa Concil: tom: 1. ep: 4.*  
 Ut salutis nostræ invigilemus valde



dè serio ac diligenter. Potest fieri, ait ut multi temporis negligentiam, brevis & assidua repararet diligentia. Incertum namq; est uniuscujusq; tempus vitæ. Et ideo festinandum est ad salutem, ne fortè cunctantem mors repentina præveniat. Probatus ille quidem est, (ait *S. Climacus grad: 5*) qui mortem diebus singulis expectat: Sed ille sanè Sanctus, qui hanc horis singulis desiderat. Memoria mortis est quotidiana mors.

*S. Augustinus* cum discessum è vita sibi instare intelligeret. Psalmos Davidicos, qui ad pænitentiam pertinent in conspectu positos, profusis lachrymis legebat; solebat autem dicere: *Neminem etsi nullius sceleris sibi conscius esset, committere debere, ut sine pænitentia migraret è vita.* Ergo

age quod *S. Isidorus de contemptu mundi*. Ingemisce quò vadis, & contremisce, cor tuum quotidie discute, & examina. Culpam ibi emenda, ubi nascitur, ita vivas, ut diem agas quotidie ultimum. *Inquit B. Esaias Abbas.*

Continenter itaq; hoc *disce mori* quoad hic vivimus, practicemus, illudq; *Richardi de Marisco Episcopi Dunelmensis Epitaphium* nostris obversetur animis.

Culmina qui cupi-

Est sedata si-

Qui populos Regi-

Quod mors immi-

Vobis præposi-

Quod sum vos eri-

Laudes pompasq; siti-

Si me pensare veli-

Memores super ònia si-

Nō parcit honore poti-

Similis fuerā bene sci-

Ad me currendo veni

TIS.

TIS.

CAPUT II.

IUDICIUM

*Sacerdotis strictius.*



Mnes nos manifestari oportet ante Tribunal Christi, ut referat unusquisq; propria corporis prout gessit; sive bonum, sive malum, *inquit S. Paulus 2. Cor: 5. Omnes oportet manifestari, nullus excipitur: proindeq; eodem momento, quo ultimum Spiritum emiserit Sacerdos, oportet illum manifestari ante Tribunal Christi, ibiq; omnia ejus etiam occultissima pateferi, discuti, in iudicium adduci, audiet tremendam illam Iudicis vocem: Redde rationem villicationis tue. Luca 16.* Per hunc villicum vocatum ad rationes reddendas decem milli-

C

um

um talentorum, *Origenes* Sacerdotem & quemvis Ecclesiasticum intelligit, idq; ex textu *Ezechielis* 9. deducit. In quo Deus præcipit dicens: *A Sanctuario meo incipite*, id est, à Sacerdotibus. Deinde ad hujus debiti immensam gravitatem descendit dicens: *Qui forsitan tot talenta perdidit, quot perdidit homines, quælibet enim anima thesaurus Dei est. Redde ergo rationem Sacerdotij tui, ministerij tui, talentorum tuorum. Omni enim cui multum datum est, multum queretur ab eo. Luc: 12. In quem locum Venerab: Beda ait: Multum commendatur ei, cui cum sua salute Dominici quoq; gregis pascendi cura committitur: Vnde Titus Episcopus Bostrensis in eundem locum scribens, hæc inquit clarè indicant*

dicant Doctorum Pastorumq; iudicium, cæterorum non parùm gravius & periculosius fore. Heul (*aiebat Iob, & Sacerdos quoq; longè potiori iure dicere debet*) quid faciam? cùm surrexerit ad iudicandum Dominus, & cùm interrogaverit, quid respondebo illi? *Iob 31. S. Gregorius illa verba 1. Reg: 3. Puer autem Samuel ministrabat coram Domino Heli, exponens: Ecclesiasticos monet, ut memores sint, quòd tametsi à Deo delegati sint iudices in terra(unde Ecclesia de Apostolis canit: Vos seculorum Iudices) rigorosissimo tamen æterni Iudicis examini & iudicio sint reservandi. Electus iudex, subditorum iudicium S. Ecclesiæ Rectoribus tribuit: sed eosdem Rectores suo examini discutiendos*

reservavit: hoc autem ipsum Re-  
 toribus valde timendum est,  
 quò Dei servantur examini, quia  
 tantò subtiliores rationes vitæ  
 & doctrinæ suæ parare debent,  
 quantò sapientior est iudex,  
 quem sustinent.

*Hinc S. Augustinus l. 50.*

*Hom. 7. ait:* Si diligenter atten-  
 ditis fratres charissimi, omnes  
 Sacerdotes Domini, non solum  
 Episcopos, sed etiam Presbyte-  
 ros & Ministros Ecclesiarum in  
 grandi periculo esse cognoscitis,  
 si enim pro se unusquisq; vix po-  
 terit rationem reddere in die iu-  
 dicij, quid de Sacerdotibus futu-  
 rum est, à quibus sunt omnium  
 animæ requirendæ.

Quid de illis, de quibus *S.*  
*Bernardus ad Henricum Seno-*  
*nensem scribit.* Curritur in Clero  
 pas-

Re- passim ab omni ætate, & ordine,  
 est, à doctis pariter & indoctis ad  
 quia Ecclesiarum curas, tanquam sine  
 vitæ curis iam quisq; victurus sit, cum  
 ent, ad curas pervenerit.

dex, Quid de te ô *Pastor, & Idolium,*  
 qui sciens neminem posse salvari,  
 50. nec absolutionis capacem, qui  
 ten- necessaria scitu de necessitate me-  
 nes- dij, etiamsi inculpabiliter igno-  
 lum- ret, tamen tot rudes tuæ curæ  
 yte- commissos hæc docere neglexi-  
 n in- sti, & nec ante dispositos, nec in-  
 itis, structos toties absolvisti, familia-  
 po- ri stylo catechizare, ad mores &  
 u- captum populi prædicare Evan-  
 utu- gelium erubuisti, quasi nil ad te  
 ium- pertineret illud Christi, *pasce*  
*Oves, pasce Agnos meos.*

S. Quid respondebis miser in die  
 iudicij de tot animabus, quæ tuâ  
 eno- negligentia absq; Sacramentis ex  
 ero- f-

hac vita migrârunt, nonne illas  
iustus Iudex de manu tua requi-  
ret? Si reddenda est ratio de his,  
quæ quisq; gessit in corpore suo,  
heu quid fiet de his! quæ quisq;  
gessit in Corpore Christi? S,  
*Bernardus serm: ad Clerum.*

Locum illum Luc: 21, *Erunt  
signa in Sole, & Luna, & stellis, D,  
Aug: ep: 50. ad Hesich: Beda,  
Primasius, alijq; in sensu mystico  
& morali explicantes, dicunt: per  
talìa signa diem iudicij præce-  
dentia intelligendum esse Eccle-  
siam, ejusdemq; statum, qui rigi-  
dissimè à Supremo Iudice exami-  
nabitur. Sol etenim, qui est velu-  
ti universalis mundi Prælatus, &  
Luna, quæ prædominatur nocti,  
ex quo ambo dicuntur Luminaria  
magna, erunt prima quasi obie-  
cta iræ & furoris Supremi Iudi-  
cis*



cis; nam Sol convertetur in tenebras, & Luna in sangvinem, ad hoc, ut ostendat; quàm præ cæteris infelix erit status futurus illorum, qui adinstar solis & lunæ in hoc sæculo fuerunt exaltati, & dotati dignitatibus, prælaturis, divitijs, tantisq; donis abusi fuerunt, ac propterea primi omnium, & cum majori rigore iudicabuntur, quàm cæteri. *Potentes enim potenter tormenta patientur Sap: 6.* Et omnibus prædicat his Spiritus Sanctus, dicens: *Horrende & citò apparebit vobis, quoniam iudicium durissimum his, qui præsumunt, fiet.* In quem locum scribens *Titelmanus in Allegore* O! quàm trepidi inquit, venient Prælati ad Divinum iudicium, quàm terribile illud capitulum erit, quòd semel & nihil deinceps

susceperit corrigendum. Neq; hoc alicui fiat mirum, nam iudicium & pœna correspondere debent vitij & peccatis. Quod declarat *Hugo Cardinalis* Quatuor enim inquit sunt, quæ peccatum aggravant, & pondus ejus faciunt, ut immensum crescat. Qualitas scilicet, Frequentia, Diuturnitas, & Impœnitentia. Quæ conditiones aut in toto, aut in parte majori, potissimum in Prælatibus locum inveniunt. Unde bene dicebat. *Altbardus de supplicio vel mercede Præfulum*. Sicut in præsentibus non sunt Præfules sicut cæteri hominum; sic non erunt ut cæteri in futuro: ut hic non sunt in gradu alijs æquales, sic & alijs tunc erunt, aut superiores in gloria, aut inferiores in contumelia, recepturi siquidem sunt duplicem

cem Coronam, aut duplicem poenam. *Dionysius Cartbus: super illa verba: A Sanctuario meo incipite Eccl: 9.* Ea hunc sensum habere dicit. Primò occidite Ministros Templi, qui alijs peccati causa fuerunt, iudicium nempè gravissimum his qui præsumt, fiet, & quò altior gradus, eò altior casus. Quamvis autem loquatur de Prælati; tamen severitas & ratio iudicij etiam convenit Sacerdotibus.

Confidera itaq; ô Sacerdos! quàm exacta, quàm rigida futura sit illa discussio, ibi enim iudicium tibi subeundum erit de omnibus factis, dictis, cogitatis: ibi omnia peccata tua etiam quæ videntur levissima in Justitiæ Divinæ bilance expendentur: ibi non modò de proprijs peccatis

reddenda erit ratio, sed etiam de peccatis aliorum, quibus verbo & exemplo prodesse debebas: ibi à te inquiretur, quem usum feceris honorum omnium naturæ & gratiæ, quæ tibi concessa sunt, ad quid impenderis corporis tui membra & organa, animæ tuæ facultates & quæcunq; talenta tibi concredita; ibi iudicabuntur omnes justitiæ tuæ *Psal: 74.* id est omnes æctus religionis, charitatis, & aliarum virtutum: item Orationes, officia Divina, sacrificia oblata: ibi ad stateram Sanctuarij expendentur omnia à te facta vel omissa in dispensatione Divinorum mysteriorum in administratione Sacramentorum, in prædicatione verbi Divini. Deniq; cuncta Deus adducet in iudicium, & cordis tui abditissima quæq; ser-

scrutabitur in lucernis. *Heu ecce venit, & quis poterit cogitare diem adventûs ejus? & quis stabit ad videndum eum? ipse enim quasi ignis constans. Malach: 3.*

Quapropter *D. Augustinus in Enchirid: monet:* Fratres, inquit, pertimescite diem judicij, quoniam in die superius erit Iudex iratus, inferius chaos horrendum, à dextris peccata accusantia, à sinistris infinita dæmonia, interiùs conscientia urgens, exteriùs mundus exardens, & quò fugies ô peccator! latere non erit possibile, apparere intolerabile, quid ergo facies ô miser! tu te statues contra faciem tuam, tu te facies esse testem, teq; judicem tui, tu clamabis adversum te, tuq; proferes sententiam tuam contra te, & quid dices ô miser?

David vir secundum cor Dei,  
 qui adimplevit omnes voluntates  
 ejus, timens ac tremens loquitur:  
*Quò ibo à spiritu tuo, & quò à  
 facie tua fugiam? Non intres in  
 iudicium cum seruo tuo. Psal: 142.*  
 Nec immeritò, inquit S. Grego-  
 rius l. 24. Moral: c. 7. Cujuslibet  
 anima terretur, quando post pu-  
 fillum hoc invenit, quod æternum  
 mutare non possit. Quis enim vi-  
 tam nostrum præcedentium Pa-  
 trum valeat vel superare vel asse-  
 qui? & tamen David dicit: *Ne in-  
 tres in iudicium cum seruo tuo:  
 quia non iustificabitur in conspectu  
 tuo omnis vivens.* Quid ergo fa-  
 cient tabulæ, si tremunt colu-  
 mnæ? aut quomodo virgulta im-  
 mobilia stabunt, si hujus pavoris  
 turbine etiam cedri quatiuntur?

Talis Columna, talis Cedrus  
 fu-

fuit *S. Hieronymus*, & tamen de se testatur: quoties diem illum confidero, toto corpore contremisco: siue enim comedo, siue bibo, siue aliud quid facio, semper mihi videtur terribilis illa tuba in auribus meis insonare: *Surgite mortui, venite ad iudicium.*  
*In c. 25. Matt:*

Talis Columna magnus *Augustinus*, ejus tamen hæ doloris & tremoris plenæ voces sunt: Væ mihi misero cum veniet dies iudicij, & aperti fuerint libri conscientiarum, cum dicetur de me. *Ecce homo, & opera ejus. Medit: c. 39.*

Prodigium sanctitatis *D. Bernardum* audiamus. Væ mihi misero! inquit, cum venerit dies illa iudicij, & aperti fuerint libri, in quibus omnes mei actus & cogita-

gitationes Domino præsentandæ recitabuntur. Tunc demisso capite præ confusione malæ conscientie in iudicio coram Domino stabo trepidus & anxius, utpote commemorans scelerum commissa meorum; cum subductis è medio omnibus hoc inveniet, quod in perpetuum mutari non poterit. *Medit: c. 2.*

*De S. Cypriano Martyre legitur*, quòd dum iret ad locum supplicij, & liëtor iam esset eundem securi percussurus, summoperè timuerit iudicium Divinum, quare dicebat: Væ mihi cum venerit iudicium tuum! cui monti dicam: cadè super me, & cui colli operi me? Et tamen mortem hanc patiebatur propter amorem Christi, eratq; quasi securus de Cælesti Beatitudine.

*B. Lau-*



**B. Laurentius Iustinianus**, qui (uti legitur in vita ejus,) continuo ferè lachrymabatur, magnoq; Dei pollebat spiritu, discurrendo cum suis amicis, dicere solebat: *Quid agam fratres, quid agam, cum ad Iudicem ducar?*

**S. Hubertus ad extrema deductus dicebat:** Mihi non mediocris est angor reminiscenti, quanta perfectio debeat esse ministerij mihi injuncti: & è contra, quàm contemptibilis vitæ meæ inofficiosa correctio. Ecce Iudicis mei iam confidero à nuptijs reditum, cum mihi desint lampades bonorum operum perfectione repletæ, & charitatis luce irradiatæ, quibus ejus valeam occurrere adventui. En rationem positurus de talentis redit, mihiq; timeo dici, quod servus negligens audivit:

*Red-*

*Redde rationem villicationis tue:*  
 Serve piger nonne oportuit te pecuniam meam committere numularijs? ut ego veniens cum usuris recepissem eam? Gregis mei te posui pastorem, & lactis eorum ubertate famem, lanarumq; tegmine repellere consuevisti algorem. Ergo necesse est eorum presentes saluationem, quorum te prapofui Præfulem. *Surius in vita ejus.*

*S. Ceadda Marciorum in Anglia Episcopus, (teste Ven: Beda l. 4. hist: Angli: c. 4.)* quoties tonaret, aut fulguraret, aut vehementior procella ingrueret, in terram sese prosternebat, & horrorem Divini Iudicij, & formidandæ illius sententiæ damnatorum: *Ite maledicti, pensitabat.*

*S. Attala Abbas centum quadra-*

*draginta* ante mortem diebus, ut morti se accingeret, a Deo monitus, in Crucis amplexu de tremendo Dei iudicio anxius tremensq; ac lachrymando singultuens, atq; veniam pro peccatis petens, Cælos patentes videbat, ingressusq; est. *P. Nadasz.*

B. Agathon cum tunc etiam trepidaret, & rogarent discipuli causam, cum scirent eum sanctè vixisse: *Quia, inquit, ô filij! alia sunt Dei, alia hominum iudicia.*

Arsenius tanto timore correptus fuit, ut discipuli testes sanctitatis ejus dicerent: *Et tu Pater trepidas?* At ille: *Non est novus hic timor ô filij! quamdiu vixi, hunc diem timui.*

*Elias Abbas* solebat dicere: Tria semper cum timore cogito. Egressum animæ de corpore, occu-

cursum ad Deum, & sententiam  
Iudicis. *In Vitis Patrum.*

*Sobronius memorat Abbatem  
Georgium teporem mortalium  
deplorantem; & mortis ac extre-  
mi iudicij memorem ad nostram  
focordiam excutiendam. Væ no-  
bis! (inquietabat flens Georgius.) Væ!  
qui nullam habemus compunctio-  
nem, sed in negligentia vivimus;  
cùm ira Dei comprehendat nos,  
& in trutina simus, ut iudicemur:  
Prat: Spirit: c. 50.*

B. Albertus Magnus affert il-  
lam S. Hieronymi tubam ita clan-  
gentem: *Quoties diem iudicij co-  
gito, toto corpore contremisco.* Tum  
exclamat B. Albertus: *Quid igi-  
tur nos miseri acturi sumus, ubi  
tanti viri trepidant.*

*Nebrius meminit ad Iose-  
phum de Leonissa Capucinum  
in-*

ingressum esse quempiam defunctum è fratribus; ac ducto alto suspirio dixisse: O Ioseph! si quàm severa omnium quæ fiunt à Deo in morte, ratio exigatur, tibi perspectum foret? Et iterum cum suspirio altiore: O Ioseph! si quàm difficilis ad salutem sit aditus, planè intelligeres? & sermone non expleto evanuit. *In Antiquario Epi: II 7.*

*Refert Cantipratanus l. Apum c. 2. par: 2. Quidam Sacerdos per multos annos malè regebat sibi subditos, nec respondebat vocationi suæ: tandem morbo correptus decubuit, & apparuit ei S. Petrus severo & minaci vultu exhibens libellum, in quo erat scriptum illud Ezechiel: 34. Mortificas animas quæ non moriuntur, & vivificas quæ non vivunt. Co-*

gebat autem eum legere, ipse vero & hærebat, & horrebat, & à tam duro decreto averfabatur conspectum; sed cum Apostoli præcepto cogitur, legere glossam quæ in margine sic habebat. *Quando reduces animas de inferno, quas tuo destitutas exemplo, æterno demersisti supplicio?* Cum præ horrore respondere non posset, disparet visio, tandem consilio viri cujusdam sancti dissolvit vincula omnia & sæculo valedicens, in Monasterio S. Bernardi piè finivit.

Parisijs in Cænobijs S. Francisci Afisiatis. Religiosus tyro in lethali morbo ad extrema perductus est, cumq; iam mortis lucta instaret, æger horrendum inelamans: *Me miserum inquit, quando satius fuisset nunquam nasci, quàm*  
*ita*

*ita mori!* paulò post: *Libram obsecro, inquit, fideliter tracta.* Mox & illud adjunxit. *Appone aliquid de D. IESV tormentis & cruciatibus.* Somnia hæc & ægrotantis deliria videbantur, sed ubi ad se redijt, retulit, quàm exactas Deus rationes posceret de occultis etiam cogitationibus, de otiosis verbis, deq; minutissimis quibusvis noxis. *Chronica S. Francisci par: 3. l. 4. c. 53.*

Infelicior erat Religiosus ille in ordine sancto non sanctus, anno 1612. desperanter decedens, uti refert de *Boverio Nebridius Canon: Regul: S. August: ep: 117.* Hic, ut in vita nomen sibi conciliaret inter suos, maximè superiores, multam probitatem simulavit. Vacabat nocturnis precibus sic, ut ad Matutinum etiam lassus,  
à via

à via surgeret, cum esset illi innocentia dormiendi. Quibus de causis non semel ad dignitatem & officia pervenit, ad quæ intus unicè aspirabat. Ager monitu suorum quasi sacrâ confessione mentem expiaturus, Patrem sibi præ alijs familiarem accersivit, & dixit: *Cum de salute mea sit actum nolo confiteri; obsecro te tamen, ut fratribus interrogantibus dicas me esse confessum*: Cui Pater; quid ita? an times mihi aperire conscientiam? & ægrotus: *Quid opus est confiteri, cum de salute mea actum sit anima*. Ad quod Pater multis eum hortari: ut spem poneret in Deum clementem, benignum, & misericordem: fontem gratiæ fluere omni viventi, & alia. Sed æger ad omnia surdus & induratus. Frustra, ait, iusto Dei iudicio



condemnatus sum. Etenim tot iam  
 annis internis deditus vicijs, ina-  
 nem gessi speciem probitatis: Nec  
 unquam verè confessus sum, kinc  
 iram Dei in me concitavi sic, ut  
 nec possim confiteri, nec si confite-  
 rer, acceptum Deo esset. (Hem de-  
 lirum errorem ) simulq; linguam  
 morso in frustra dissecuit, hor-  
 rendumq; clamavit: O lingua  
 maledicta! cui semper grave erat  
 aperire mea crimina, justam pro-  
 inde nunc Dei vindictam experi-  
 re dissecta in partes. Quibus di-  
 ctis frustula linguæ cum sanguine  
 exspuit, atq; inter absonos clamo-  
 res animam ejecit.

Arnoldus Cathius è Soc: IE-  
 SV Româ in Belgium redux, scri-  
 pto testatum reliquit, ex fide di-  
 gna relatione habuisse se, in Ita-  
 lia juvenes duos aliquando nomen

Societati dedisse, quorum unus in vocatione perstitit, alter sacculum ejusq; mores ac scelera repetijt. Morbo hic tandem lethali corripitur: cum fortè urbe egresso Sacerdoti, eidem illi qui ægro vocationis frater fuerat socius, acclamat muliercula, ut in domum suam descendat, priusquam moriatur filius ejus. Accurrit ad misericordiæ opus lubenti animo Pater, hominem reperit febri gravissimâ correptum, agnoscit socium fuisse vocationis suæ. Optat, ut sit & felicitatis æternæ, eum solatur ac hortatur vice non unâ, ut sacrâ confessione animam expiet, sed frustra. Tandem ad ægri lectum moram longiorem trahens, ut illum ad sanio rem mentem reduceret, & in somnum incidens, Christum videt

det hiantibus vulneribus advenientem, ægrumq; commonentem animæ suæ consulat salutem; avertit miser vultum, atq; aures obdurat Salvatori; qui indignabundus, plenâ manu sanguinem suum in obdurati hominis faciem coniecit, eâ comminatione; ut quem in animæ ejus salutem fuderat, is illi in æternam damnationem cederet. Abijt Dominus; experscitur Sacerdos, & miserum totum cruentum, ac vita functum reperit. *De Wael in Corona vulner:*

Dum S. Bruno Parisijs Theologicis studijs operam dabat, iamque Rhemenfis Ecclesiæ Canonicus esset factus, eò temporis è vita excessit Doctor Parisiensis, Princeps inter literatos, quiq; virtutis existimationem maxi-

D

mam

mam post se reliquit. Sed eheu quantum aberratis mali iudices hominum oculi! Dum huic de more solennes in Ecclesia fiunt exequiæ, in magna populi Doctorum & nobilium corona, ad illam in officio defunctorum canentis vocem: *Responde miki*: ecce tibi è capulo, caput erigit defunctus, & cum gemitu inquit: *Iusto Dei iudicio accusatus sum*: Mox posttridie ad eandem vocem: *Responde mibi*: *Iusto (exclamat) Dei iudicio iudicatus sum*. Demùm tertio die, tertium è feretro fulmen auditur: *Iusto Dei iudicio condemnatus sum*. Quis putas tum audientium fuerit sensus defuncti huius, & in hominum oculis exactam vitam, & Dei cor scrutantis sententiam perpendentium. Certè hæc plùs quàm tragica catastrophe omnes

mo-

movit, sed Brunonem maximè:  
 Nam à tempore illo non modò  
 hanc hominis umbram, sed ipsos  
 etiam homines fugere cæpit, seq;  
 cum sex alijs elongavit fugiens,  
 & in solitudine mansit, quò eum  
 hucusq; innumeri feliciter secu-  
 ti, securam ad mortem beatam  
 extra hominum oculos invene-  
 runt viam. *Annal: Cart: l. 1. c. 1.*

*Zehentner in male spei promon-  
 torio l. 4. § 2. n. 25.* refert histo-  
 riam de quodam Canonico pessi-  
 mæ vitæ Toleti in Hispania, qui  
 cùm extremè ægrotâsset, monitus  
 fuit aliquoties ab Ecclesiaste To-  
 letano alijsq; de confessione sce-  
 lerum facienda; sed nihil profe-  
 cêre, afferente ægro periculum re-  
 motius esse, quàm ipsi arbitren-  
 tur: Mox obmutuit miser. Ergo  
 Ecclesiastes apprehensa Christi

pendentis effigie Psalmum *De profundis* &c. exorsus est, iamq; ad illa venêrat Davidis verba. *Fiant aures tuæ intendentes in vocem deprecationis meæ*, cùm ecce tibi lignea imago, totâ præsentium coronâ spectante, brachia ad Crucem fixa resolvit, & utrâq; manu aures obserans formidabilem hanc vocem misit: *Quia vocavi te, & renuisti, ego quoq; in interitu tuo ridebo.* Fulmen hoc fuit tremendi Iudicis Crucifixi, quod ubi ab imagine iactum est, infelicem animam ex corpore scelerati hominis in tartarum deturbavit.

Famosus Magdeburgi Antistes Udo, cum cælesti nuntio tertium ad se misso, atq; commonenti: *Da finem ludo, quia lusisti satis Vdo, fidem non haberet, sed in sua ni-*  
 hi-

hilominus lascivia perfisteret, tandem ad Tribunal Dei citatus est; quadam enim nocte S. Mauritius in Ecclesiam suam, (cujus Udo erat Antistes,) cum evaginato procedens gladio, voce validâ exclamavit. *Omnes Sancti, quorum Reliquiæ hic habentur, surgite, & venite ad iudicium Dei.* Tum subito maxima & præfulgida apparuit utriusq; sexus multitudo, subinde Christus sole splendidior, stipatus Sanctissimâ Matre & duodecim Viris, Regali Solio consedit, iussitq; Udonem adduci. Raptus ille è lecto, continuo adfuit. Hic D. Mauritius accusatorem agere, scelera ejus impurasq; veneres detegere, scandala ovibus proprijs data in faciem exprobrare, conclamantibus omnibus: *Reus est mortis.* Itaq; ad gladium

ab æquissimo Iudice condemna-  
 tus, ab ipsomet Mauritio senten-  
 tiam exequente decollatur. Spe-  
 ctavit hæc Canonicorum nonne-  
 mo, & simul unus alius, animam  
 ejus à dæmonibus ad æterna in-  
 cendia abripi, ibiq; natali suo &  
 amalijs maledicere, manèq; Cle-  
 ricis ad Ecclesiam venientibus  
 Udonem in suo sanguine tabefa-  
 ctum ostendit. *Naucles: volum:*  
*2. gener: Tritheimius, Fulgosius,*  
*S. Antonius, & alij.*

Anno Christi 914. Cùm dira  
 fames Germaniam infestaret, Epi-  
 scopus Moguntinus *Hatto nomi-*  
*ne* plurimos pauperes in horreo  
 congregatos, ea spe quòd escæ  
 vel panis nonnihil ex Episcopi  
 liberalitate accepturi essent, con-  
 cremari iussit, dicens nihil differ-  
 re eos à muribus, frugibus tan-  
 tum



tum consumere natis. Quam tyrannidem protinus Deus ultus est. Præcepit namq; muribus, ut acervatim illum invaderent, ac diu noctuq; affligerent, vivumq; devorarent. Itaq; ille in turrim in medio Rheni extractam aufugit, sed nec ibi à moribus murium tutus esse potuit. Nam mures facto agmine per Rhenum nantes in turrim conscendere, iustum Dei iudicium executuri: quod agnoscens miser, horrendâ tandem morte inter mures perijt. Feruntur mures nomen ejus quoque à parietibus & tapetibus abrafisse. *Genebrardus l. 4. Chronograph:*

*Conradus Hildemensis Episcopus noctu ad libros sedens, sequenti die dicturus ad populum, alienatâ iam à sensibus mente, vi-*

dere sibi visus est Præsulem mitrâ insignem ad Iudicis Dei Tribunal rapi. Examinatur causa ab assidentibus, mox lata sententia mortis liçtores damnatum reum insulâ, annulo, cæterisq; Pontificijs ornamentis exuunt, carnifici in manus tradunt: tum, qui iudicio aderant loco surgentes cum hoc Epiphonemate recedunt: *Ergo dum tempus habemus, operemur bonum.* Interim excitato Episcopo, servus nuntiat Dominum suum vespere proximè elapso, subita morte extinctum, qui ipsius erat sangvine, sed vitâ & moribus degener, præsertim rapinis & libidinibus infamis. *Cavtipratanus l. I. Apu c. 3.*

Ergo quære præesse si quæris durissimum iudicium, in quo pro te, ac tibi subiectis, ( quos plus æquo

æquo times, aut amas, aut negligis, aut deprimis, ) respondeas. In his ego cogitationibus dies noctesq; verfor: (*scribat S. Greg: Nazianzenus.*) Hæ medullas ipsas absumunt, & carnes abrodunt, faciuntque, ut non de præfectura, nec de corrigendis alijs & gubernandis cogitem; sed quomodo ipse venientem iram efugere queam; nonnihilq; vitiosæ rubiginis à me ipso abradere purgariq; primum, & deinde purgare. Accendatur, ait *S. Bernardus*, ad pœnitentiam, interrogemus conscientias nostras; & animemur ad ultionem exigendam de nobis: ut horrendum possimus evadere iudicium Dei. *Sermone in Naviv: S. Ioannis Bapt:*

*Pennequin* dissertatione 6. § 13. ait *B. Ephræmo* aliquando

DS

con-

conspectum fuisse Christum Iudicem in hæc verba tonantem: O anima, quare mihi ferio non deservis? cur cum tanta negligentia orationes tuas peragis? cur ad iudicium meum tam rigidum te melius non disponis? quare tot gratijs, quas tibi contuli, & quotidie confero, diligentius non respondes? Ego tui causâ mortuus sum. Defecit ad hæc Ephræm; ac tremens dixit: *Venite montes, & me peccatorem impium cooperite.* Et tu quoq; quando fortè ad aliquod peccatum te videris paratum, illud horribile & intolerabile Christi Tribunal cogita, in quo Iudex in alto sedebit throno, astabitq; omnis creatura rationem gestorum redditura. Horribiles quidam, ac tristes circumdabunt Angeli, flammæ sævas respiran-

rantes. Probrum illud & verecundiam sempiternam, tu time, ait *S. Basilius Tom: I. in Psal: 33.*

S. Macarius cum numerosam Ægypti Anachoretarum congregationem adunatam invenisset, iussus ædificationis ergo aliquid in medium proferre nihil aliud, quam terribile Dei iudicium memoravit: *Ploremus, inquit, fratres, & deploremus modo nos ipsos, antequam ad horrendum illud Tribunal evocemur, post cuius sententiam lachrymæ nostræ comburent corpora nostra: Quibus auditis corruerunt omnes in terram, & peccata sua singuli amarissimè deflexerunt. In Vitis PP.*

Idem nos etiam faciamus; culpam tuam pensa & dilue dum vivis (*monet Sanctus Gregorius Magnus libro epistolarum 33.*

*ad Venantium,* ) districtiōnem  
 venturi Iudicis, dum valēs ex-  
 horresce, ne tunc illam amarā  
 sententiā audias, quando iam  
 nullis fletibus evades. Etenim  
 (teste D. Chrysostomo hom: 46. ad  
 pop: Antioch:) nullus eorum, qui  
 hic peccata non dissolverit, illic  
 migrans eorum p̄nas effugere  
 poterit. Iam verò qui semetipsum  
 perfectè iudicat, iudiciū non  
 exspectat. *inquit B. Petrus Da-*  
*miani l. 4. ep: 15.*

Hoc iudiciū statū Sacerdo-  
 talis efficaciter repræsentat vetus  
 elegans pictura, in sacrario Ec-  
 clesiæ nostræ Cathedralis, ubi in  
 superiori parte tabulæ expressus  
 tremendus Iudex Christus, cum  
 cælesti curia Beatorum, & San-  
 ctorum omnium: in medio tabulæ  
 procumbit Episcopus, cum Præ-  
 latis

latis & Cañonicis, ferentibus junctas manus & cadaverofas facies, in apparatu consveto, taliter ingemiscentes:

*Episcopus.*

**O** Utinam populo mihi credito verbo & exemplo præfuissem, jura Ecclesiæ fortiter defensâssem, non alienâssem, sed recuperâssem & auxissem, bonis Ecclesiæ consanguineos non ditâssem, sed in propagationem religionis & cultus Divini, disciplinæq; Ecclesiasticæ dispensâssem, idoneos ordinâssem, beneficia non amicis, aut alijs in favorem, sed fidelibus operarijs contulissem.

*Præpositus.*

**O** Utinam sine simulatione, partialitate, & odio, pensata tantum æquitate & justitiâ, & quæ communi utilitati conducunt,  
fin-

fincerâ fide & charitate præfessiffem!

*Decanus.*

**O** Utinam tam diurnis quàm nocturnis Officijs non cursum, sed regulato modo & ordine, sine negligentia ritè exequendis vigilantè superintendiffem!

*Archidiaconus.*

**O** Si prævio rigido ordinandorum examine, spretis omninò sordibus non dissimulante, sed perspicaci oculo idoneos dignosque Clericos Pontifici præsentâffem!

*Scholasticus.*

**O** Si ordinatam Scholarum disciplinam juvenum adultiorumq; eruditionem rigorosè tam in Scholis, quàm in Choro fieri disposuiffem!

*Cantor.*

Ofi



O Si debitas Antiphonarum,  
Psalmorumque inceptions,  
cantus, tonos, versusq; regulari  
concentu depromere ordinâsem!

*Custos.*

O Si decorem Ecclesiæ, vasorum  
munditiam, clenodiorum, ve-  
stiumq; sacrorum custodiam, cam-  
panarum regulatum pulsum at-  
tentè procurâsem!

*Cancellarius Capituli.*

O Si munimentorum conserva-  
tionem, literarum expeditio-  
nem, minutarum quoq; argutam  
rimationem, solerti studio re-  
spexissem!

*Cancellarius Episcopi.*

O Væ mihi! Utinam Reveren-  
dissimo meo alijs impedito, di-  
sciplinæ Ecclesiasticæ per Dix-  
cesim invigilâsem! iura, liberta-  
tes Ecclesiasticas diligentius de-  
fen-

fenſâſſem, litibus & actionibus  
Episcopatus attendiſſem, Can-  
cellariamq; meam ac curiam di-  
ſciplinatam ſervâſſem, nec favo-  
re ductus, minutas ſcripſiſſem,  
ſigillâſſemque!

*Canonicus.*

**O** Si præſentias meas ſine ca-  
chinnatione, ſine vaniloquio,  
ſed attentâ devotione, debitis  
horis, & obſequijs meruiſſem, at-  
que conſcientiâ timorâtâ & ſe-  
verâ votâſſem!

*In parte inferiori tabule depi-  
ctus eſt infernus, varij ſtatûs &  
conditionis damnatos, inter voraces  
flammas repræſentans, cum  
bac inſcriptione.*

**Guarda, Guarda, Specta,  
Time, Cave.**

CA-

CAPUT III.  
INFERNUS

*Sacerdotis profundior.*



Vamdiu viri Ecclesiastici Regali Sacerdotio inclyti habitu venerabili & sancto amicti, Ordinis dignitate conspicui, Deo & Religioni sanctè inhærent, sunt velut lignum vitis, suis pampinis ac fructibus turgens; at si à Deo ab instituto suo præcisi sint, ad nihilum valent, sicut lignum vitis, si non manserit in vite, nisi ut humi serpat, conculcetur, & in ignem mittatur ad comburendum; quâ similitudine usus est doctissimus *Origenes hom: 5. in c. 15. Ezech:* Lignum vitis, ut honorabilius est lignis omnibus, si afferat fructus, sic omnibus inferius judi-

dicatur, si id non habeat, unde præcellit: quia ex reliquis lignis varia opera; ex vite verò nisi fructificet, nil fieri potest, tantum igni utile est; quæ sic proposito huic applicat: Ita Christi quidem discipulus si fructum hoc nomine dignum ferat, honorabilior est reliquis gentibus, sin minus, abjectior. De his inutilibus palmitibus veritas dicit: *Si quis in me non manserit, mittetur foras sicut palmes, & colligent eum, & in ignem mittent, & ardet;* quasi tales damnationem ignis æterni secum ferant, atq; in eo atrocius præ alijs cruciandi sint.

Propheta Regius de supremo ac tremendo Dei iudicio agens: *Congregate, inquit, Sanctos, qui ordinant testamentum eius super Sacrificia. Psal. 49. Vbi docet S. Chry-*

*Chrysoſtomus* his verbis imperari Angelis, ut ſiſtant ad Chriſti Tribunal Sacerdotes imprimis ſceleratos, ut ſeverius judicentur. Deinde quærit, ſi mali jubentur ſiſti, cur Sancti appellentur? *Cur*, inquit, *quos accuſaturus & condemnaturus, Sanctos appellat?* Reſpondet, quòd Deus Sanctos appellet, accuſationem augens, & honorem adjiciens, ad majorem ſignificationem ſupplicij; ut ex dignitate ſtatûs & muneris gravitas culpæ & pænæ manifeſtior redderetur: ut diſertè *Luce 13.* ſignificatur: *Servus ſciens voluntatem Domini ſui,* (quam hauſtâ ſcientiâ ex tot libris & concioni- bus, illuminationibus, perſpectam habent Sacerdotes) *& non faciens, plagis vapulabit multis.*

Quæ verba *D. Thomas* ex  
Theo-

*Theodoreto graviter exponit dicens:* Hic nobis Dominus majus aliquid & terribilius ostendit: Non enim dispensator infidelis acceptâ privabitur gratiâ, ut nihil eum juvet ad vitandum supplicia; sed magis fiet ei damnationis causa dignitatis immensitas. Vnde dicitur: *Ille autem servus qui novit &c.*

Manifestum est cuivis, si homo agrestis, quid alienum à mysterijs fidei proferat, in eum non sic ab inquisitoribus animadvertendum, quam si quis vir literatus, doctoratûs laureâ insignis, & nominis celebris impingat, aut hæresim spargat: *Ita, (inquit S. Chrysostomus hom: 27. in Matt:)* Non similiter in omnibus omnia judicantur, sed major cognitio, fit majoris pænæ materia unde

Sacerdos eadem peccans cum populo, multò graviora patietur, quia & majorem peccati, & gratiæ, quam perdit, notitiam habet. Homo enim perspicax, qui turpioribus suam voluntatem inclinavit, inexcusabile peccatum commisit, quasi propter malitiam recedens à Domini voluntate, sed homo rusticanus rationabilis impetrabit veniam vindictantis; unde subditur: *Qui autem non noverit voluntatem Domini sui, plagis vapulabit paucis.*

Duabus eminebat dignitatibus Core, scilicet præsidentiâ concilij juxta *Abulensem, Dionys: Carthusianum, & Oleastrum*, juxta illum numeror: textum: *Viri proceres Synagoge, qui tempore concilij per nomina vocabantur.* Secunda dignitas erat Sacerdotij,

siquidem Aaroni sanguine jun-  
 ctus, eademq; de tribu Levi na-  
 tus erat; ad quam dignitatem  
 quemadmodum apud *Lyranum*  
 asserunt *Rabbini*, ad radices Synai  
 electus. Vbi caput effectus est se-  
 ditionis, dum Dathan & Abiron  
 contra Moysen & Aaron excitat,  
 summum affectans Pontificatum;  
 quod crimen enorme insolitâ De-  
 us & reliquis sæculis minimè in-  
 flicta punivit pænâ, dum terra  
 sub pedibus ejus dehiscente, vi-  
 vum fecit descendere in infer-  
 num. *Origenes hom: 5. Ezechiel.*  
 Majorem pœnam inquit, habet,  
 qui Ecclesiæ præsidet, & delin-  
 quit; quid mihi prodest, quia pri-  
 or sedeo in Cathedra resupinus,  
 honorem majoris accipio, nec  
 possum habere dignitate meâ ope-  
 ra condigna? nonne majori pænâ



cruciabor? quia honor iusti, mihi ab omnibus defertur, cum peccator sim? *S. Isidorus Pelusota l. 2. ep: 37.* Sacerdos, ait, graviores vitæ suæ rationes subibit, tantusq; ad ipsius pœnam atq; cruciatum cumulus accedet, quantus prius in eo honor collatus est?

*D. Gregorius Papa* explanans illam Divinam comminationem ad Heli 1. Reg: 2. *Pars magna domus tuæ morietur, cum ad virilem ætatem venerit.* Per virilem ætatem mysticè accipit ordinem Sacerdotalem, vultq; insinuari, quòd qui cum essent parvuli, id est subditi vixerant ac victuri semper fuerant, facti viri, videlicet Sacerdotes, moriantur & intereant. *Ætas virilis, inquit, tempus est administrandi Sacerdotij.* Imitator itaq; Doctõris reprobì  
ad

ad virilem ætatem dicitur, cum ad sacri ordinis celsitudinem promovetur, ad quam profectò ætatem cum pervenerit; moritur; quia ad tantum ministerium quisquis indignus accesserit, vel in eo indignè vixerit, condemnatur.

*l. 1. c. 3. exposit: sue.*

*Hinc S. Chrysostomus hom: 3. in Acta.* Non temerè, inquit, dico, sed ut affectus sum, & sentio. Non arbitror inter Sacerdotes multos esse, qui salvi fiant, sed multò plures, qui pereant. In causa est, quoniam res excelsum requirit animum. Multas enim habet causas, quæ depellant ipsum à suis moribus, & innumeris oculis illi opus undique; ut videlicet omnes sibi commissos verbo, exemplo, & alijs exercitijs ad salutem juvet, neminem perdat, aut

quan-

quantum est in se perire permit-  
tat, multo minus scandalosam vitam  
perire faciat.

*In Revelationibus S. Brigittæ  
legitur l. 4. c. 15. quod Christus  
malos Sacerdotes diabolo peiores  
dixerit: Deteriores sunt diabolo,  
inquit, & ideo præ omnibus diabo-  
lis profundius submergentur in  
infernum. Ubi præter pœnam da-  
mni, quæ in Sacerdote post tot,  
ac tam insignia Divinæ benevo-  
lentia testimonia, non nisi acer-  
bissima esse potest, alia insuper  
supplicia, ac tormenta erunt  
subeunda; quæ præ alijs damnatis  
atrocissima illi infligentur; ac  
proinde in eum ignis inferni lon-  
gè crudelius defœviet, & quid-  
quid in illa infelicitatis abyfso  
triste ac durum, quidquid ama-  
rum & acerbum, illud præ cæte-*

E

ris

ris experietur. Heu Domine! quis novit potestatem iræ tuæ, & præ timore tuo iram tuam dinumerare? Confige timore tuo carnes meas, à judicijs enim tuis, & ô quantum à supplicijs timui! Psalmo 80.

Ad cumulum ipsius damnationis, & pænarum illi adjunctarum, erit æternitas, & illius horrendæ æternitatis, cognitio semper urens & infestans, quæ miserum illum continuo cruciabit, ejusq; animam velut iteratis desperationis aculeis, lancinabit, & discerpit. *Vermis eorum non morietur* (inquit Christus *Marci 6.*) *& ignis eorum non extinguetur.* Hanc æternitatem *P. Cornelius à Lapide ad c. 4. Malachiæ; bis verbis unicuiq; nostrum ob oculos ponit.* Si Deus diceret Iudæ traditori, & cuilibet damnato, singulis mil-  
lenis

lenis annis pro tuis peccatis emit-  
tes duntaxat unam lachrymam;  
& quando hoc modo, per tot an-  
norum intervalla, tot lachrymas  
emiseris, ut illis totam mundi ca-  
pacitatem impleas, miserebor tui,  
teq; ex inferni ignibus pænisq;  
eripiam; gauderet utiq; hoc pro-  
missio Iudas proditor, aut quis-  
quis alius damnatorum ingenti  
gaudio & ineffabili, eò, quòd sa-  
lutis aliquam haberet spem: sed  
quàm longa hæc spes! quàm vasta  
annorum spatia ei in pænis me-  
tienda essent! quot millena anno-  
rum millia expectanda, antequam  
lachrymis suis vel scyphum im-  
pleret! quot milliones annorum  
ut poculum! quot cubi millionum  
ut dolium unum! quando ergo  
cubiculum? quando domum? quan-  
do urbem? quando provinciam?

quando terram? quando aërem?  
 quando Cælum lachrymis suis  
 compleret? O æternitas infelix!  
 ô æternitas dolorum! ô dolorosa  
 Dei privatio! quis illam æternita-  
 tem seriò cogitare potest, & non  
 continuò contremiscere & hor-  
 rore affici! ô æternitas! quis po-  
 terit æternitati par esse in tor-  
 mentis? Quamdiu Deus erit De-  
 us, tãdiu durabunt lamenta; quam-  
 diu istud erit? non est effari. Co-  
 gitari potest, explicari non po-  
 test. Væ illis! (*dicit S. August: de*  
*verbis Domini,*) qui cum diabolo  
 mansionem habebunt, ex qua a-  
 scendit fumus tormentorum in  
 sæcula, Væ illis! Væ illis! O Væ  
 æternum nunquam finem habitu-  
 rum! ô finis sine fine! Mors gra-  
 uior omni morte, semper mori, &  
 non posse unquam emori. Arde-  
 bunt

bun  
 ter  
 Ma  
 C  
 exp  
 fer  
 pra  
 cel  
 pra  
 uni  
 po  
 me  
 que  
 ctu  
 Ap  
 hor  
 etia  
 bus  
 um  
 rab  
 rio  
 gra

bunt miseri in igne æterno in æ-  
ternum. *Teste D. Bernardo l.*  
*Med: c. 4.*

Cogitent ergo seriò, & sedulò  
expendant Sacerdotes, quàm mi-  
sera ac miseranda conditio sit  
pravè viventium in suò tam ex-  
celso, & sublimi statu, in quo nec  
præsenti sæculo, nec futuro fru-  
untur; hìc gehennam, & alteram  
postea habituri. Vt meritò la-  
mentabiles illas voces usurpare  
queant, quas commiseratione du-  
ctus, ejusmodi convenire dicit  
Apostolus *I. Cor: 15. Miserabi-  
liores sumus omnibus hominibus,*  
etiam gentilibus & barbaris, qui-  
bus mitius judicium & supplici-  
um. Quod probatur eventu mi-  
rabili, qui contigit *Beato Maca-  
rio.* Hic aliquando per desertum  
gradiens, cranium invenit homi-

nis mortui, quod baculo attingens, cujus fuisset in vita interrogavit, responditq; cujusdam eodem in loco Sacerdotis gentilis adijciens, quòd quantum distabat Cælum à terra, tantum habebat de igne super caput suum, eum alijs paganis, & tantundem ab infra sub eo esse ignem, in quo cruciabantur mali Sacerdotes.

*S. Antonius 4. par: tit: 14. c. 4.*

*S. Gregorius 1. Dialog: c. 31.* scribit, quòd eo tempore, quo Gotthi Italiam vastabant, *Reparatus Romanus*, improbus magis quàm ignobilis vir, dum defunctus plangeretur, revixit. Et mittite, inquit, ad Ecclesiam Laurentij Martyris sciscitatum, quid *Tyburcius Presbyter* agat. Vidi enim eum rogo impositum acriter torreri, vidi & alium rogam, qui



qui flammæ mucrone Cælum lam-  
bere videbatur, de flamma quoq̄;  
vocem erumpentem audivi; quæ  
indicabat quis ille esset cui pæna  
parabatur. His enarratis repente  
obmutuit, morte percussus, atq̄;  
iterum illuc unde redierat, abiit.  
*Tyburcius* etiam tunc infelicem  
animam exhalasse compertus est,  
qui cum Presbyter esset, nihil  
Presbyteri habebat, præter figu-  
ram ac nomen. *Reparato* autem  
alios admonendi, non sui à per-  
ditione liberandi copia data est,  
Deo per illum cæteris consulente,  
ut caverent eorum vitia imi-  
tari, quos ad gehennam damna-  
tos satis certo iudicio agnovisset.

*Cæsarius scribit l. 12. Miracul:*  
*c. 6.* Parochum quendam fuisse  
in animarum cura pigerrimum,  
hic cum expirasset, religiosi cu-

X  
 jusdam oculis horrendum se spe-  
 ctaculum obtulit, vidit enim Pa-  
 rochiæ illius defunctos, sese tu-  
 mulis egerere, saxa arripere, & illis  
 Parochum petere, exclamando:  
 X  
*Ab impie! Miseri nos tibi commis-  
 si fuimus, tu nos neglexisti. In per-  
 ciendis decimis nemo te diligen-  
 tior fuit, in curandis animabus  
 nemo obliuiosior, nemo inertior.  
 Emolumenta cupidè quærebas,  
 quid de nobis ageretur, non cura-  
 bas. Cùm peccaremus, nos minimè  
 corripuisti, neq; verbo, neq; exem-  
 plo nos revocasti. Ab! lupo potius  
 quàm verus pastor, tu occasio no-  
 stræ damnationis fuisti: par est, ut  
 tu quoq; in istis flammis nobiscum  
 torquearis. Hæc cùm dixissent,  
 & lapidibus illum obruissent, mi-  
 seram hominis animam in pro-  
 fundum puteum deturbârunt, nec*

ipse

ipse unquam amplius comparere  
 visus est. Sic cæcus cæco ducatum præstans, ambo in foveam inferni cadunt. Væ Sacerdotibus! væ Confessarijs! væ tibi dissipator non dispensator mysteriorum Dei, qui toties Sanctum dedisti canibus, hoc est Sacramenta Confessionis & Communionis indignis peccatoribus, vero dolore seu proposito destitutis, scandalosis, vel in occasione proxima peccati mortalis voluntariè persistentibus, inimicis suis reconciliari, vel aliena cum possent reddere nolentibus, & fortè de numero peccatorum lethalium, de circumstantijs speciem mutantibus non interrogabas. Quid proderit stulta illa gloriatio, quòd brevi tempore plurimas audiveris Confessiones, quæ æternam tibi

parient confusionem?

*Annales Ecclesiastici Anno Christi 1211.* è Trithemio meminere Adalberti viri probi, qui nocte tota iacuit opinione omnium & comploratione cadaver, manè iam sepeliendus, vivus refedit; surrexit alijs aliò fugientibus, ad facram ædem cum festinatione contendit. Circumfusa in Templo multitudo interrogabat quid vidisset? at ille in oratione ad noxam usq; defixus, vel tantum silentio, vel hac sola voce reddita respondebat: *Vae stultitiæ hominum! vae impietati! quàm acerbæ sunt, quæ manent eos post hanc vitam!* Rogatus ab Archipresbytero viro religioso ac docto, quid de futura vita vidisset? *Vidi, inquit, multa horrenda, sed sum iustus non omnia populo aperire: Ne*  
*ma-*

*magnalia & secreta Dei veniant  
in derisum, his qui sapiunt juxta  
carnem.* Vocatus Sponheimienfis  
Abbas cum Ioanne Priore adfuit.  
Narrabat Albertus inter cætera  
tot sibi monstratas ad tremenda  
infernæ, quæ videbat tormenta  
descendere animas, ut putaverit  
vix intra centum annos tot homi-  
nes exire de vita. Tot in illis tor-  
mentis Ecclesiasticos, Deo dica-  
tos, & sæculares à se visos, quot  
vix in toto mundo esse homines  
credidisset. *Vide Bzovium n. 12.*

Dum Carcaffonæ ænergumenus  
quidam à pluribus obsessus caco-  
dæmonibus, *S. Dominico* exorci-  
zandus offerebatur, inter cætera  
*S.* vir sic percunctabatur: *Quinam*  
sunt inter Christianos, qui maxi-  
mè damnantur? Cùm quamvis in-  
viti respondissent maligni spiri-

tus, rursus subjunxit *S. Domini-*  
*cus?* de Sacerdotibus verò & Re-  
 ligiosis nullam mentionem faci-  
 tis? Responderunt innumeros se  
 possidere Sacerdotes; at verò Re-  
 ligiosos nullos. Sed ex ijs qui non  
 habita ratione statutorum sui or-  
 dinis ea temerè violant, singulis  
 diebus ad nos innumeri devol-  
 vuntur. Subinterrogavit, & dixit  
 iterum sanctus, de meis verò Re-  
 ligiosis, & Franciscanis quid dici-  
 tis? tunc ad hoc renovatis voci-  
 bus & clamoribus, responderunt  
 dicentes: *Heu! Heu! ex illis pro*  
*temptore nullum habemus, futurum*  
*verò est, ut infinitos recipiamus:*  
*cùm nempe severitas statutorum,*  
*ceremoniarum, ipsaq; devotio re-*  
*frixerint, pessumq; ierint. Ita*  
*Martinus Valecensis in legenda S.*  
*Dominici p. I. c. 5. specul: exem:*  
*prat: florid: Za-*

*Zacharias Boverius in Anna-*  
*libus Capucinatorum Anno 1566.*  
 Narrat Patrem Franciscum de  
 Fano ob casum sequentem ad Ca-  
 pucinatorum Ordinem transisse.  
 Erat is aliquando in extasim ra-  
 ptus, verum sibi postea restitutus,  
 horrore ob sibi à Deo ostensa  
 plenus, & citatis gressibus, ad  
 Capucinatorum asceterium accur-  
 rit. Didicerat per Divinam reve-  
 lationem, ut ipse postea non sine  
 lachrymarum fusu narravit: ma-  
 ximam hominum turbam, veluti  
 pluvix guttas, ad inferna descen-  
 dere, paucissimosq; in æthera su-  
 stolli. Plurimos etiam ex Religio-  
 forum Ordinibus, qui Regulari  
 observantiæ minimè studuerunt,  
 in tartara mergi.

Novitio cuidam B. V. MARIA  
 se videndam præbuit, ad illumq;

S. Ra-

S. Raphâelem Angelum ad tormenta inferni ac Cæli gloriam ostendenda destinavit. Adfuit Raphaël Novitio: & ostensis ei æternitatis beatæ delicijs, tum aperto inferno, iussit illum attentis oculis introspicere perlucentum illum populum damnatorum desperanter ululantium, præ fame, siti, doloribus, igne, rabie in tormentis. Ibi vidit alium impuris carnis voluptatibus olim deditum, iniecto per viscera igne horridè cruciatum, avarum Principem pelle totâ exutum, in flammis. Vanos ac vanas, quibus pudicitia leges parum cordi erant, variè carnificatos: Religiosos non nullos libertinos, ob quædam contra suæ conditionis sanctitatem licenter gesta, igneo illo ergastulo mancipatos, Iudam rotæ igneæ hor-



horrendo æternoq; spectaculo,  
 catenis igneis illigatum. *Ita ille  
 Novitius ope Deiparæ timere De-  
 um didicit. Valer: Venetus prat:  
 p. 1. l. 2. c. 10.*

*P. Mendoza serm: 5. Domin:  
 Quadrages:* Refert de quodam  
 Religioso, cui apparuit spiritus  
 damnatus ejusdem Ordinis, à quo  
 cum minimam infernalem pœnam  
 per odoratum exhiberi petijffet,  
 reprobus ille spiritus chlamyde  
 levatâ solâ, pectus monstravit;  
 ex quo tam horrendum exhala-  
 vit fœtorem, ut subitò Religio-  
 sus ille in terram mortuus con-  
 ciderit, & per diffusam per uni-  
 versum monasterium pestilentia-  
 lem puteolentiam, omnes illius  
 Religiosos pariter mori fecerit:  
 cujus monasterij situs adeò deso-  
 latus fuit, ut in ruinam declinans,

vix lapidem super lapidem residuum habuerit.

*Terribilem historiam Scriptor Hispanus enarrat, cum inter duos Religiosos graves inimicitiae exortae essent; unus eorum lethali morbo correptus, adversarium ad se advocavit, priusquam Ecclesiae Sacramentis muniretur; eique injuriam omnem remisit, imò & amplexus est. Hic ut erat petulanti ingenio, ad socium alium conversus: bonus ille vir, inquit, mori timet, ideoq; dimittit. Pupugit ea vox moribundum, ut veniam, quam donarat, revocaret illicò, adderetq; diabolicum illud, nec tibi condono ipse; nec à te mihi condonari volo. dixerat, & statim in agniam incidit, sicq; infelicem animam exhalavit: fiunt tamen ei justa de more, quibus peractis*

actis à Religiosis omnibus mensæ  
 accumbitur; sed ecce sub hac, fu-  
 nestâ ac lamentabilis umbra in-  
 greditur, atroci vultu, rigente  
 horridâq; comâ, oculisq; ignem  
 spirantibus; tum defixo in omnes  
 obtutu, vocem hanc, velut emis-  
 sum è nubibustonitru, emisit: *Ob  
 immane odium, quo vivus in ter-  
 ris arsi, ardeo in inferis mortuus,  
 eternumq; ardebo, sed & ille, cu-  
 jus culpâ ardeo, brevi ardebit.*

Tum conversus ad illum Religio-  
 sum sibi olim inimicum: *Sat epu-  
 lis datum est: à mensa surge infe-  
 lix; lata quippe & in me, & in te  
 à Deo Iudice sententia, dixerat, &  
 in illum adhuc mensæ inhæren-  
 tem irruit, raptat, stringit, & dum  
 ab hoc & illo, quâ pugnis, quâ  
 ungvibus, quâ etiam dentibus ac  
 morsibus res agitur, & fatalis lu-*

ta: derepentè sub pedibus dehiscente terra absorbetur uterque, atq; ad inferos devolvitur, relicto intolerabili fæctore, neq; in sepulchro ubi iacuerat, infame cadaver repertum est. *Ita Franciscus Christoval: Anno 1570. & Engelgrave.*

*Legitur exemplum de quodam in Italia usurario in Pedagogo Christiano c. 15. tit: Confessio.* Hic nolens hunc quæstum dimittere, in Pænitentix foro ab urbis Parocho reiectus, in Monachum tandem incidit, qui eum semper absolvebat, ideoq; familiarissimus ei factus, & in dies mensæ adhibitus. Accidit ut liberaliùs unà cænassèt, iamq; Religiosus se in claustrum serò vespere receperat, ipse verò vix cubitum contulerat, cum subita morte extinctus est.

Atq;

Atq; illicò ex orco ephæbi emen-  
titi, ad cænobium convolant,  
quantociùs Religiosum à tali viro  
acciri denuntiant. Vadit cum so-  
cio, & in forum veniens, videt  
usurarium Lunæ beneficio in ta-  
lari tunica inambulantiem, quem  
non sine stomacho, num se rideat,  
percunètur? Respondet alter  
alto cum gemitu se vivis excessif-  
se, æternis pænis addictum ob  
usuras, & potissimùm ob sacrile-  
gum Sacramentorum usum, in  
quo cùm ipse corripere se debu-  
isset, & tacuisset, unà secum æter-  
nis inferorum supplicijs crucian-  
dum. Quo dicto terra hiatu pan-  
ditur, & hos duos simul cum ephæ-  
bis illis tartareis, socio semivivo  
relictò, absumpsit, qui superiori  
tragædiam horrendam enarravit.

*S. Francisca Romana vidit in-  
ter*

*ter tormenta inferni* Concionato-  
res in fornace ardente, ac plena  
serpentibus, datos canibus lace-  
randos; & os illorum fordibus  
impleri, lingvam autem & cor e-  
velli conspexit. *Valer: Venetus*  
*Prat: par: 2. l. 3. c. 57.*

*P. Pinellus* ut multorum re-  
darguat errorem, qui sibi persva-  
dent veram se egisse pænitentiam  
eò solùm, quia peccata sua con-  
fessi sunt, licèt in ea confessione  
non fuerint solliciti de faciendo  
sibi firmo & stabili non recidi-  
vandi proposito, sequens refert  
exemplum *l. 1. de alt: vit: c. 5.*  
Erat Canonicus quidam Parisi-  
nus, qui licèt recreationibus &  
delicijs deditus esset, cum signis  
tamen veræ pænitentix mortuus  
fuit, qui tamen paulò post cuidam  
amico suo apparuit, eiq; se da-  
mna-

mnatum esse dixit, cumq; hic eum interrogasset: *Nonne salutis remedia ante mortem recepisti: Respondit miser: Recepi, sed mero mortis metu, sine emendationis proposito, & si super vixissem, iterum ad pristinas delicias reversus fuisssem.*

*Guilelmus Episcopus Parisensis* post matutinas horas orans, vidit inter se & lumen quasi umbram hominis tetram, elevatâ ergo manu consignat se, & si ex parte Dei sit, præcipit ut loquatur. Cui respondit is qui apparebat: *Alienus à Deo sum, sed tamen factura ejus: ego enim sum ille Cancellarius Parisensis miserri- mus.* Rursus Episcopus, & quomodo tibi est, sic dolenti? *damnatus, inquit, sum eternâ morte, & tres fuere causæ damnationis meæ.*

Una est, quòd crescentes fructus annuos contra pauperes timidè reservavi. Secunda est, quòd contra sententiam plurimorum de pluralitate beneficiorum sententiam propriam defensavi, & in hoc me periculo mortalis culpæ commisi. Tertia est, quòd carnis vitio cum scandalo multo tempore laboravi. *Hæc Cantipratanus l. i. Apum.*

*Idem Author refert de altero, qui post mortem apparens, dixit: Hæc sola præbendarum causa est, pro qua infelix ego æternaliter sum damnatus. Quoad dispensationem verò B. Albertus Magnus cuidam, qui super pluralitate beneficiorum idoneâ causâ destitutam dispensationem impetraverat, respondit: Poteras ire in infernum sine dispensatione, nunc ibis cum dispensatione.* In



In Annalibus Ecclesiasticis visionem quandam, *Dionysio Cartusiano*, pro defuncto quodam Episcopo, orationi incumbenti factam legimus. Cum enim in cella vigilans oraret, à duobus deterritus giganteæ formæ spiritibus; vidit ante se adductum, squallidum, tetrum, ardentibus flammis circumseptum, fumoq; oppletum; cui dixerunt: *Ecce pro quo oras*, intuens autem illum *Dionysius* diligenter, vidit circa ventrem & genitalia ejus immensum agmen serpentum, & bufonum, qui miserum corrodebant, ei quoq; causa mox declarata fuit, ob quam serpentes illam præcipuè corporis partem occupabant, nimirum quia fuerat in vita, in concupiscentijs fæminarum, Monialium, Virginumq; stuprator: *Raynaldus*  
 Anno 1462. Til-

Tilmanus Bredenbachius *Col-  
lat. l. 8. c. 12.* de Walthero De-  
mere nobili viro, qui Carolo V.  
ab obsequijs erat, scribit: quòd  
dum in partibus Borealibus vento  
propitio in Islandiam navigaret,  
contigerit, quòd inciderit in ali-  
am quandam navim, quæ vento  
pariter favorabili, ad ei occur-  
rendum solverat, in puppi verò  
navigij monstrum quoddam erat,  
partes agens Naucleri, nigrum,  
& deforme. Cùmq; Nauta Wal-  
theri monstrum interrogâsset,  
quas merces veheret? & quonam  
tenderet? *demon*, (hic enim Nau-  
clerus erat,) *respondit confestim ei,*  
*se Archiepiscopum vehere*, clama-  
vitque: *tendimus ad montem He-*  
*clam*, id est ad locum, ubi dicitur  
esse fenestra inferni flammam vo-  
mens. Quæ verba à Walthero au-  
dita

data, eundem ad mutandam vitam & mores efficaciter permoverunt.

*Frater Martinus à Matre Dei excalceatus Carmelita in suo Gymnasio Philosophiæ refert visionem mirabilem Venerabilis Matris Annæ à S. Augustino Carmelitane excalceatæ de penis inferni, inter quas penæ Episcoporum tales ab ipsa vise. Eminebat flammis è thronis, qui Pontificatus aliquando fastigium tenuerunt. Quos despectis eorum dignitatibus, vice mitrarum probroso quodam pileo (corocas vulgus Hispaniæ vocat) catamidiabant, sæpiusque ferventibus ahenis, nec non lacunis aquæ fætidiſſimæ, cæniq; graveolentis, mergebant & volubant: ac ne horum quidem saturi venenatis bestiis, cruciandos ob-*

F

jiciebant

jiciebant. Infimum inferni hi occupant: quia in mundo summa tenuerunt.

Hinc Religiosi quoq; & aliæ ejusmodi personæ, quas sui status sublimitas Deo fecerat propiores, hoc eodem in barathro torquentur. Vidi namq; illic è singulis ordinibus, celsissimisq; dignitatibus, quosdam inter infernales illas flammæ æstuantes; dignoscuntur autem clarissimè: Utiq; suo quemq; prodente insigni. Pæna pro ratione peccatorum acerbissima: ijs verò qui majorem serviendi commoditatem, majoremq; ejusdem gratiam nacti sunt, longè quàm cæterorum immanior.

Anachoretas etiam complures hoc in profundo perspexi, quibus eremus nihil profuerat, quominus

minùs eò devenirent. Quippe  
 sibi tribuentes, quod Deo debe-  
 bant, suisq; actibus non Dei, sed  
 suam ipforum gloriam aucupan-  
 tes, malorum æternorum ob su-  
 am hypocrisim facti sunt hære-  
 des.

Proprietarios & apostatas ma-  
 nibus pedibusq; vinculis ferreis  
 adstrictos, ingentibus catenis tra-  
 hentes diaboli, nunc humi sterne-  
 bant, nunc crudelissimè pulsatos,  
 cippis & ergastulis mancipabant.  
 Insuper proprietarij bursas com-  
 plures vermium plenas gerebant  
 ad pectora: qui viscera eorum ro-  
 dentes depascebantur alijs ocu-  
 los, alijs à cervicibus cerebrum  
 dæmones eruebant, trudebantq;  
 per summam rabiem, in fornaces  
 igni luculento ferventes. Alios  
 arripiebant angustissimis in ipso

profundo mandandos sepulchris. Quorum quidem aliquos gutture tenus quosdam etiam integros operiebant. Qui quid ibi sentirent, horribili ejulatu satis indicabant.

Porro in hujus profundi profundissimo vidi cujusdam Ordinis Religiosum, & Religiosam, quibus sua professio justo Dei judicio non præsidio, sed rigidiori damnationi erat. Quorum proinde pœnas immensas nescio quibus verbis exprimam. Ejulabant enim acerrimè: crimina ob quæ plectebantur palam promulgantes. Quæ erant, inobedientia, invidia, atq; luxuria. Religioso Sacerdotium etiam ad pœnarum incrementum accesserat: Unde & gravius patiebatur, altiusq; demersus erat: Probè utrumq; agno-

gnovi. Vidi illos nudos, & quanta cogitari potest, imò majori multò oppressos miseriâ; ut me infelices viderunt agnovêre pro- tinùs: ideoq; pudore suffusi, con- fusi, & anxij, me discerpturi vi- debantur; tantâ rabie efferbue- runt, me verò hæc tanta eorum miseria haud parùm afflixit.

*Huc etiam spectat tremenda visio de penis inferni, Vener: Pa- tris Gvilbelmi Tolosani Eremitæ Augustiniani, S. Theologiæ Do- ctoris, ad quem benevolum lecto- rem remitto. Liber est approbatus Gandavi Anno 1647.*

*Vaselus quidam dum iter age- ret, accidit ut juxta molendinum equo insidens pertransiret, & ec- ce repentè monstrum immane conspexit, quo viso subito eum terror invasit, & stupefactus in-*

tremuit. Videbatur monstrum illud in aures aselli, caudamq; definere, cætera ursus erat; cumq; viator ad hoc portentum territus obrigesceret, fugamq; præcipientem formidolosus iniret, informe prodigium humanæ vocis verba formavit: *Noli inquit ô vir expavescere! hominem me olim fuisse, sicut & ipse nunc es proculdubio crede, sed quia bestialiter vixi, post vitæ finem bestia referre speciem merui.* Porrò cum ille perquireret, quis fuisset? Ego, ait, *solo nomine Benedictus fui, qui nuper Apostolicæ Sedis apicem obtinui.* Inquisitus autem quidnam retributionis haberet; *nunc, inquit, usq; ad diem iudicij per dumosa atq; squallentia, per sulphurea loca, atq; fetorem exhalantia, atq; incendijs conflagrata rapior;*  
 post



post extremum verò iudicium corpus meum simul & animam irremediabiles cruciatus, & gehennalis barathri irrevocabilis olla deglutiet. Ita Flores exempl: tit: 4. exemp: 1. tom: 4.

Quid itaq; metue: (inquit S. Bernardus compunc: cord: c. 20.) Si quis ad ista non trepidat, non expavescit, non timore concutitur? dura & ipse dæmon horret ac terretur, cum hoc nomen infernus audit. Teste S. Cypriano epist: ad Demetr: O Deum immortalem! diabolus timet gehennam, & Sacerdos non terretur ejus tormentis ac supplicijs. Quamvis ignis ille exæstuet, nos tamen ridemus, & delicias amplectimur, & licentiosè peccamus. Deplorat miseriam nostram D. Chrysostomus hom: 55. ad pop: Antioch:

*tiob:* Deplorat & lamentatur *E-*  
*saias Abbas Oratione 26.* dum  
 dicit: Væ nobis qui tenebrosum  
 illud & materiæ expers incendi-  
 um, æternumq; & amarum fle-  
 tum, & stridorem dentium non  
 consideramus! Ablato enim flam-  
 mæ splendore Deus in illo igne,  
 reliquit urendi vim & obscurita-  
 tem, quâ magis impij excrucian-  
 tur. Væ nobis! qui hic sine timo-  
 re nos peccatis obstringimus,  
 quoniam nos ignis illic æternus  
 excipiet, & tenebræ exteriores,  
 & vermis qui non dormit, & lu-  
 ctus, & stridor dentium, & co-  
 ram Angelis, & creaturis omni-  
 bus, dedecus sempiternum! Væ  
 nobis! qui cum assiduos consci-  
 entiaë reprehendentis stimulos  
 sentiamus, non erubescimus, nec  
 rationem actionum nostrarum  
 red-

redditori, Dei iudicium formidamus! Væ nobis! qui in hoc exiguo vitæ spatio, ut iniquæ & brevi carnis cupiditati satisfaciamus, nos jucundissimo Divinæ gloriæ spectaculo indignos constituimus!

Exclamat hîc & *S. Isidorus velut infernum videns*: Succurre mihi Deus meus, antequam tartarus me rapiat, priusquam ab igne inferni devorer. Plorate me Cæli & terra; lugete me omnes creaturæ; flete me omnia elementa. *Ita ille.*

Ah Sacerdotes! Nolite & vos misericordiæ Divinæ tempora perdere, nolite accepta remedia dissimulare, ante supplicium cogitate de supplicio. Mente ergo & cogitatione infernum ingredimini, & horribiles ejus crucia-

tus atq; tormenta paulò penitiùs  
 inspicite, & considerate, ne post  
 mortem anima pariter cum cor-  
 pore in æternos illos carceres  
 detrudamini! O quicunq; cum  
 Petro cecidisti, & in diaboli fa-  
 vorem peccando, Dominum ac  
 Deum tuum toties abnegâsti, *Po-  
 ne tibi amaritudinem, & dirige  
 cor tuum in viam rectam, Ierem:*  
 31. Inferni pœnas, gehenni in-  
 cendia intuere, & pœnitentiæ vi-  
 am cum Petro arripe, animæ sa-  
 luti dum tempus est prospice,  
 teq; ipsum constitue in perpetua  
 securitate. O felices lachrymæ!  
 (*exclamat S. Thomas de villa  
 nova,*) ô felices gemitus! ô feli-  
 ces singultus! quibus perpetuos  
 illos evitamus gemitus & dolo-  
 res; felix pœnitentia quæ liberat  
 à gehenna. Peccavimus fratres,  
 pœ-

pænitendum est, aut ardendum:  
 quantò meliùs modicùm pænitere,  
 quàm perpetuò ardere. Al-  
 terutrum è duobus eligamus.  
 (*clamat S. Bernardus l. de Ani-  
 ma.*) aut semper cruciari cum  
 impijs, aut perpetualiter lætari  
 cum Sanctis, bonum siquidem &  
 malum, vita & mors, ante nos  
 sunt posita, voluptas brevis, pæ-  
 na æterna. Momentaneum quod  
 delectat, æternum quod cruciat.  
 Elige semel malè elegisse, semel  
 perijsse, æternum est.

*Quid ergo ludimus? venit æter-  
 nitas.*

*Cur tempus perdimus? querit æ-  
 ternitas.*

*Et hæc quæ scribimus, legit æter-  
 nitas.*

*Et quæ delinquimus, scribit æter-  
 nitas.*

*Honores fugiunt; manet eternitas.*

*Aurum te deserit; manet eternitas.*

*Caro dilabitur, manet eternitas.*

*Et pro tam vilibus, tam seua eternitas.*

*Penas, & premia, monstrat eternitas.*

*Momenta mellea plectit eternitas.*

*Tormenta fellea promit eternitas.*

*Eheu pro qualibus! qualis eternitas?*

*Quid heu! quid stertitis? clamat eternitas.*

*Eterna perditis, urget eternitas.*

*Nugas diligitis, monet eternitas.*

*Celum negligitis; instat eternitas.*

CAPUT IV.  
GLORIA CÆLESTIS

*Sacerdotis major.*

**S**Anctorum gloria, (sed præcipuè Sacerdotum) excedit omne bonum præsentis vitæ. *inquit Doct̃or Angelicus* I. par: q. 46. ar: 6. ad 3. *Apoc: 4.* S. Ioannes vidit Deum in Throno Majestatis pleno. In circuitu sedis sedilia viginti quatuor. Qui obsecro has cingebant occupabantq; sedes? forsitan Seraphim. Minimè equidem, quin potius juxta Isaiaë prophetiam: *Seraphim stabant*, quidni ergo & Angeli inferiores. Sedebant itaq; Sacerdotes, id quod per hæc verba exprimitur. *Et super thronos viginti quatuor Seniores sedentes.* Quos Sacerdotes fuisse ex illa par-

particula *Senior*, quæ Presbyterum significat, clarè evincitur. *Vnde & S. Isidorus ait:* Presbyter dicitur Senior, quòd non ad ætatem, sed sensum referendum est; quia senectus venerabilis est, *l. 1. de sac: fid: c. 39.* At in sequenti capitulo expressè dicitur: *Fecisti Deo nostro Regnum, & regnabimus. Apoc: 5.* Cùm è converso Angeli non sedeant sed stent; *siquidem decies centena milia assistebant ei. Dan: 7.* Lucifer pariter, qui dicere non erubuit. *Sedebo*, in abyssum præcipitatus corruit. Ecce itaq; Sacerdotum in Cælis dignitatem, honorem, & gloriam majorem & ampliorum, dum singuli horum sedent stantibus Angelis.

Imò & ipsam in hoc Deiparam Virginem superare videntur



tur Sacerdotes: de illa enim dicitur: *Astitit Regina à dextris tuis in vestitu deaurato, circumdata varietate. Pjal: 44. Vbi S. Bernardinus tom: 1. serm: 6. ar: 2.* Astitit, inquit, Regina à dextris tuis in vestitu deaurato, id est cum corpore glorioso, ex cuius splendore post Filium suum tota lucefcit Civitas Beatorum. Mirabilis profectò res, quòd Christus chariffimam Matrem suam æquis oculis à dextris suis erecto corpore stantem videre potuerit. Quodfi enim Salomon Matrem suam in aula sua recipiens, illam juxta latus suum sedere fecit. *Positus est thronus Matris Regis, que sedit ad dexteram ejus 1. Reg: 2.* Quomodo Christus qui in honoribus debitis Matri reddendis Salomoni nequaquam cedit

dit, permittere potuit, quòd Mater sua in gloriæ suæ aula, ancillæ instar à dextris confisteret? *Richardus à S. Laurentio dat rationem.* Dicit: Astitit, à promptitudine auxiliandi. Nihilominus potest etiam dici ad demonstrandum quodammodo altiozem gloriam Sacerdotum in Cælis, qui illic federe dicuntur. Ut quemadmodum superabant B. V. MARIAM Sacerdotes secundùm quid in terris, ita & in Cælis sessione superare videantur: *Nam S. Bernardinus ait:* Potestas Sacerdotalis superat potestatem Virginis Gloriosæ. *Et S. Vincentius Ferrerius:* Beata Virgo solùm semel aperuit Cælum; sed Sacerdotes quolibet die & in qualibet Missa. *Nimis confortatus est Principatus eorum.*

*D. Chry-*

*D. Chrysostomus hom: 5. de  
 verbis Isaie ait.* Sacerdoti thronus in Cælo collocatus est, & de cælestibus negotijs pronuntian-  
 di habet authoritatem. *Vnde Theophilaetus in cap: 20. Ioan:*  
 Vide inquit Sacerdotum digni-  
 tatem quòd Divina fit, Dei enim  
 est remittere peccata: Sic igitur  
 illi honorandi sunt ut Deus, nam  
 quamvis indigni sint, quid hoc?  
 Divinorum donorum Ministri  
 sunt, & gratia operatur per eos.  
 De Potestatibus Angelicis dicitur,  
 quòd contremiscant coram  
 Deo. *Tremunt Potestates.* At ve-  
 rò de Sacerdote *S. Ephrem ait:*  
 Cum Angelorum Domino, &  
 omnium Creatore familiariter  
 agit.

Regius Propheta *Psal: 46. ad  
 Sacerdotes* alludit, dum altitudi-  
 dinem

dinem, ad quam sublimati sunt  
 considerans, ait: *Dij fortes terræ  
 vehementer elevati sunt.* Ubi se-  
 ptuaginta legunt: *Fortes Dei.*  
 Idem David eminentiam Sacer-  
 dotum declarat dicens: *Secun-  
 dum altitudinem tuam multipli-  
 casti filios hominum, ubi D. Chry-  
 sostomus locò multiplicasti, legit  
 elevasti, extulisti.* Elevavit autem  
 eos ad æqualitatem suam, quia  
 secundum altitudinem tuam, nec  
 mirum, quia ipsemet de eis di-  
 cit: *Ego dixi, Dij estis.* *S. Dio-  
 nysius Arcopagita:* Qui Sacerdo-  
 tem dicit, augustiorem prorsusq;  
 Divinum insinuat virum. *S. Hi-  
 larius Papa* de Sacerdotio scri-  
 bens: hujus sublimitatis ratio-  
 nem his verbis assignat; scilicet,  
 quia assumitur in Divinæ Trini-  
 tatis brachium dextrum; siqui-  
 dem

dem Sanctissima Trinitas hic in  
 terris mediantibus Ministris suis  
 adoratur, agnoscitur, & glorifi-  
 catur. Nam per manum Sacerdo-  
 tum Sacramenta & Sacrificia,  
 quæ præcipua sunt honoris &  
 gloriæ Dei instrumenta, esse su-  
 um, & substantiam accipiunt.  
 Unde Apostolus 1. Cor: 3. ait:  
*Dei adjutores sumus.*

Æternus Pater Unigenitum su-  
 um honoraturus, judiciariam ei  
 delegavit potestatem. Sic enim  
 in actibus Apostol: dicitur: *Ipse  
 est qui constitutus est à Deo Iudex  
 vivorum & mortuorum. Actor:*  
 10. Et in S. Ioanne c. 5. *Pater  
 omne iudicium dedit Filio.* Cer-  
 tum autem est, quòd Angeli non  
 erunt assessores, sed sententiam  
 Dei approbantes, & ut nostri ac-  
 cusatores. Rationem dat D.  
 Tho-

*Thomas.* Quoniam iudices assessores debent esse iudici proportionales & conformes. Iudex autem Christus in natura corporali apparebit, secundum quam ab omnibus videri possit, ideo oportet, ut iudices assessores naturam habeant humanam, quod Angelis non competit. Iudices ergo assessores erunt Apostoli, & omnes Sacerdotes, & Christum sectantes: *Vos qui reliquistis omnia, & secuti estis me, sedebitis & vos super sedes duodecim, iudicantes duodecim tribus Israël. Matth: 19. Iudicabunt Sancti nationes & dominabuntur populis. Sap: 3.* Quòd autem Sacerdotes præcipue sint iudicaturi cum Christo probatur ex proportione, cum Christo supremo Iudice, quem S. Ioannes *Apoc: I.* describens,  
di-

dicit; gladium in ore suo portaturum. *Et de ore ejus exibat gladius ex utraq; parte acutus.* Apoc: I. In dextra septem circumferet stellas: & in manu dextra septem stellas. Vestite indutus Sacerdotali. Vestitum pudore, quia itaq; soli Sacerdotes Christo Iudici erunt veste proportionales, ideo ipsi potius iudices assessores erunt. *Hinc S. Chrysostomus hom: 5. de verbis Isaie,* de judiciaria potestate Sacerdotibus delegata scribens, ait: Sacerdoti thronus in Cælo collocatus est, & de cælestibus negotijs pronuntiandi habet authoritatem: quid cum honore hoc conferri possit? Idcirco & propè Deum Sacerdotes locum obtinent. Teste S. Ignatio Martyre, qui Apostolorum tempore vixit. Sic enim ad Smyrneses

*ses scribit epist: 10.* Honora inquit Deum, ut omnium Authorem & Dominum; Episcopum ut Principem Sacerdotum, imaginem Dei ferentem, Dei quidem propter Principatum, Christi verò propter Sacerdotium; honorare oportet & Regem. O quantam dignitatem! (*exclamat admirabundus D. Bernardus ser: 8. de Pasch:*) quantam nobilitatem! quantumq; donum contulit vobis Deus ô Sacerdotes! Prærogativam enim Ordinis vestri prætulit Deus omnibus Regibus, & Imperatoribus terræ, prætulit Ordinem vestrum omnibus Ordinibus Angelorum, & omni Angelicæ Hierarchiæ &c.

Hoc autem præmium & majorem gloriam Sacerdotes obtinent pro conversione animarum. *Te-  
ste*



*ste Origine in illud Levit: 7. ad Sacerdotem qui eam obtulerit scribente:* Discant Sacerdotes, quia pars data est eis, cum his scilicet, quos ad pænitentiam adduxerint, & tales effecerint, ut propitius eis sit Deus, meritum enim subditorum merces erit, & gloria talium Sacerdotum. Et certè hæc gloria multorum Sacerdotum in morte ostensa fuit, & post mortem.

In S. Petri Apostoli Martyrio à multis Angelos vivos tradunt, coronas illi rosarum liliorumq; porrigentes, atq; etiam juxta stantem Christum, apertumq; librum manu tenentem, in quo ea scripta conspiciebantur, quæ Petrus ad populum fando expromebat, & dum plebs vellet eum subtrahere neci, ne oblatam sibi  
 glo-

gloriam impedirent, petijt. *Martulus l. 6. c. 16.*

S. Andreas Apostolus biduo pendens in cruce, docebat populum, circumdatus magno lumine, abscedente postmodum lumine, emisit Spiritum. *In Actis ejus.*

Dum extremum vitæ perageret *S. Daniel Episcopus*, Angelorum concentu, & miri odoris fragrantia tota Civitas adimpletur. S. autem Pater erectâ ad Cælum tam mente, quàm facie exclamavit, dicens: *Domine accipe Spiritum meum.* Ad quem Angelus audientibus fratribus ait: præpara te ad Kalendas Martij, quia tunc Rex mundi IESUS Christus tibi occurret, & cum eo multa Angelorum millia. *In vita ejus.*

*S. Martini Episcopi Turonen-*

*sis*

sis vultus cum obijisset, splendidus apparuit; Angelici præterea cantus circa ipsum auditi sunt.

*Marul: l. 6. c. 16.*

*S. Bartholomæus Apostolus à S. Mechtilde in gloria cum aurea Cruce fuit visus, & Christi ore à Cruce Christi sanctè portata laudatus. P. Nadasz.*

*S. Matthæus Apostolus Iphigeniæ Regis filiæ post mortem unâ cum Angelo apparuit gloriosus, eamq; solatus. Idem.*

*S. Augustinum cum S. Bernardo vidit S. Gertrudis pulchritudinis gloriâ decorum, & de corde ad cor Dei splendores igneos emittentem, ac radios ab ore spargentem.*

*S. Ricbarius Presbyter post mortem in aula splendida inambulare visus, & de illa pro brevi-*

G

bus

bus laboribus datâ sibi gloriâ gratulari, & IESU gratias agere auditus est. *Vita ejus.*

*S. Thome Cantuariensi Archiepiscopo* miræ pulchritudinis thronum Apostolorum sedibus contiguum præparari in Cælo, se vidisse quidam mortuus magno miraculo ad vitam revocatus, graviter affirmavit: *Surius tom: 6.*

*S. Benedictus* filix suæ Gertrudi apparuit totus efflorescentibus ex se rosis, undiq; corpore toto vernans; singulis rosis alias rosas fœcundo sinu fundentibus, quo spectaculo docuit, quanto præmio coronaret Deus afflictiones suas, quibus membra super terram domuerat. *Annus cæl:*

*S.* quidam Abbas lectos duos aureos admirabili ornatu comptos

ptos, ab Angelis deferri vidit,  
 audivitq; vocem, in eorum alte-  
 ro *S. Anselmum*, in altero *Hugo-  
 nem Cluniacensem Abbatem*, in  
 æternis gaudijs recipiendum: ex-  
 indeque conjecturam cæpit,  
 utrumq; eo die vitâ functum,  
 quod eventus rei tandem com-  
 probavit. *Surius in vita S. An-  
 selmi.*

*S. Thomas de Aquino* post  
 mortem cum Angelis & *B. Al-  
 berto Magno* Magistro suo, co-  
 ram Throno Divinæ Majestatis à  
*B. Mathilde Cisterciensi* Virgine  
 conspectus est; ac postmodum  
 ob puram in omnibus intentio-  
 nem stellato pectore apparuit  
 gloriosus. *P. Nadasi.*

*D. Hieronymi corpus* cum Spi-  
 ritum reddidisset, subita lux cir-  
 cumfulsit, visi sunt Angeli, &

Christi vox audita, quæ illum ad possidendum cæleste Regnum invitaret. Eâdem horâ Cyrillus Episcopus Hierosolymitanus animam ejus Angelicis gestatam manibus, Cælum versûs tendere conspexit. *Marulus l. 6. c. 16.*

*S. Franciscus de Sales* Episcopus post mortem Lugduni ægræ atq; depositæ Novitiæ, in mitra & cultu splendido inter duos è Cælo Adolescentes ardentibus facibus instructos, se spectabilem præbens dixit: *Confide filia: Pete tibi cor meum huc afferri, & illicò convalesces.* Et illa coram allato ejus corde, in preces effusa continuò convaluit. *Ann: cal:*

Urfinus Nursiæ Presbyter castus ac Sanctus, dum animam ageret, lætus exclamavit, gratias agens

agens ijs, quos ad se venisse solus  
 cernebat. Et quærentibus qui ei  
 affidebant, qui essent illi, quorum  
 adventu tantòpere gauderet.  
 Nunquid non videtis, inquit,  
 Petrum & Paulum Apostolos hìc  
 adeste & evocare me? Mox ad  
 eos, quos tantum ipse videbat,  
 conversus dum repeteret: *Venio,  
 venio, ecce venio, cum iisdem  
 abiens, corpus exanime reliquit.*  
*S. Greg: Dial: l. 4. c. II.*

S. Robertus Abbas mortuus,  
 à tribus Angelis Cælo inferri est  
 visus, conspectis tunc ab ejus  
 Confessario duobus muris ad Cæ-  
 lum usq; porrectis, & anima ejus  
 instar globi ignei collucente, la-  
 trantibus contra semper ijs, quos  
 semper vincebat, dæmonibus.

*Ann: Sanct:*

S. Nicolaus Tolentinus ~~sex~~

ante obitum mensibus singulis  
noctibus concentum Angelicum  
audivit; & MARIÆ Matri, ac S.  
Augustino Patri ipsi hinc exeun-  
ti, obviantibus animam dedit,  
bonus filius utriusq; *vita ejus.*

S. Augustini corpus quo die  
mandatum sepulturæ fuit, Mona-  
chus quidam procul inde manens,  
& in spiritu raptus, vidit Insulâ  
& Pontificalibus indumentis in-  
signem sedere intra nubem can-  
doris eximij, de oculis ejus pro-  
micantes radij, totam illumina-  
bant Ecclesiam, & ubiq; incredi-  
bilis odoris fragrantia nares oble-  
tabat. Post hæc à Bernardo Ab-  
bate visus est, dum per noctem  
sermones ejus à fratribus lege-  
rentur in Ecclesia, limpidissimas  
ore aquas vomens, quibus totum  
Ecclesiæ pavementum supra mo-  
dum



dum inundabat. *Marulus l. 6.*

S. Ioannes Eleemosynarius Episcopus, à Iuvene aureum sceptrum manu gerente & splendido, hæc audivit: *veni, iuberis, Rex regnantium querit te:* ejusq; anima obvijs pauperibus Cælum visa est petere gloriosa: quem S. Petrus post mortem in æternam Cæli mansionem inducere visus est. *Surius in vita ejus.*

S. Norbertus Archiepiscopus eâ quâ migravit horâ, visus est in veste candida, olivæ rorum manu tenens, ac se illum è Paradiso habere testatus. Alij è suis visus est totus in lilium candidum commutari, quòd ab Angelis Cælo illatum est. Alij apparuit in domo pulcherrima & illustri; eum de salute sua quærentem complexus, in sede splendida

da secum federe iussit, atq; dixit:  
*Dictum est mihi; veni requiesce.*  
*In pace & requie sum. Vita ejus.*

S. Petro caelestino post abdicatum Pontificatum Romanum morienti Angeli applausere, eumq; ad Magistrum IESUM ac MARIAM duxere. Cujus animam cum in Cælum ferri videret quidam, peteretq; consilium quid sibi agendum esset, ei sanctum silentium svasit. P. *Nadasi.*

S. Carolus Borromæus Cardinalis, Francisco Adamo è Soc: IESV, Confessario suo post mortem pulcherrimus apparuit, & dixit: *bene mecum agitur.* Tu quoq; brevi accerseris; eiq; mortem imminentem prædixit. S. Dunstanus Archiepiscopus à Cherubinis & Seraphinis auro coronatis ad Cælum invitatus, Sabbatho

tho moriens, visus est unâ cum lectulo ferri in Cælum. *Vitæ ejus.*

*B. Iacobus Alemannus Ord: S. Dominici* ab Angelo audivit: *Serve Dei esto fidelis usq; ad mortem*, ingentia sunt quæ tibi pro parvo labore ac certamine proponuntur præmia, ad quæ ingentia præmia prævisâ prius morte, corde per generalem totius vitæ confessionem mundato, abiit, viso hic in extasi floribus, & concentibus amænissimo deliciarum Paradiso, fruiturus æternum. *Vitæ ejus.*

Exspirante *S. Francisco Seraphico* quidam fratrum animam ejus in stellæ specie de ore emicuisse, Cælumq; petijssè vidit. *In vitæ ejus.*

Quâ horâ Neapoli ad Cælos evolavit *S. Patriarcha Caietanus*

*mus*, dum extaticus esset in Hispania S. Petrus de Alcantara, ejus animam ad cælestem ascendere Patriam vidit, exclamavitque: Hodie in mundo una ex præcipuis Ecclesiæ columnis cecidit. *Ioan. à S. Bernardo de S. Petro de Alcantara.*

*S. Antonius Abbas* non modico locorum intervallo discretus, Ammonis Abbatis obitum cognovit, cum animam ejus multo candore illustrem, & in sublime tendentem conspexisset. *Marulus l. 16. c. 16.*

Inter cælestes voces Angelorum & cantus, felicissimus spiritus B. Laurentij Justiniani velut igniculus in Cælum emicuit. *In Vita ejus c. 12.*

In obitu venerabilis *P. Andree ex Olmo*, qui in Indijs occiden-

dentalibus quadraginta tres totos  
 annos in prædicanda Catholica  
 fide consumpsit, auditi sunt Di-  
 vini concentus. *Bozius de signis*  
*Eccl: l. 12. c. 21.*

Paulò antequam venerabilis  
 Frater Petrus *Nicolaus Fattorus*  
 è vita emigraret, svaviffimus An-  
 gelorum cantus in ejus cella à  
 multis auditus est, qui & in Ec-  
 clesia nocturno tempore dum ibi-  
 dem ejus corpus moraretur, ite-  
 rum insonuit. *In Chronicis Mi-  
 norum.*

In obitu Agilli Resbacensis  
 Abbatis, Ado Monachus lætanti-  
 um Angelorum cantus audivit.  
*Marulus l. 6. c. 10.*

*Marina de Escobar* quemad-  
 modum habet in ejus vita *Ludo-  
 vicus de Ponte*. Vidit de Socie-  
 tate IESV in Cælo splendoros

multos, è quibus illi qui se affi-  
ctandi studio fuerant in vita ma-  
gis addicti, habebant cruces pre-  
tiosas in manu. *l. 4. c. 14. § 2.*

S. Andreas Corfinus post obi-  
tum familiari sibi Canonico ap-  
parens in veste candida, & lilia,  
rosasq; gerens manibus, ea virgi-  
nitatis suæ ac pudicitix symbola  
& præmia esse dixit. *Ex relatio-  
ne Romæ impressa pro Canonizat:*

Leo unus è primis Socijs S.  
*Francisci*, gloriosum Cælitum  
agmen in Cælo vidit. In toto illo  
agmine unus præ alijs eminere  
videbatur. *Bernardus de Quinta  
valle*, è cujus pulcherrimis, &  
omni sole illustrioribus oculis  
pleni gloriæ radij emicabant.  
Petenti splendoris illius causam,  
responsum è Cælo est: illud præ-  
mium esse *Bernardi*, quòd cum

viveret, omnia quæ videbat, in meliorem partem fuerit interpretatus, neq; se ulli iudicem præfecerit, sed omnes pro se ut meliores fuerit veneratus. *Histor: Minorum.*

Fassus est Religiosus quidam se à langvore omni ad mirum in Spiritu ardorem inflammatum, viso mortuo nuper P. Barnaba La Vecchia, & auditis ex illo verbis illis: *Vtinam saperent & intelligerent, ac novissima providerent: Obijt Bivona Anno 1614. 19. Aug:*

*S. Casarius Episcopus* ut se ac suos à torpore fervaret, familiares habuit voces illas, quas etiam inter dormiendum auditus est altâ voce repêtere: *Duo sunt: Nihil est medium, duo sunt: Aut in Cælum ascenditur, aut in infernum.*

*num descenditur.* Et cogitatione  
 illâ armatus ita exarsit ad miram  
 quandam flagrantiam; ut biennio  
 ante mortem conspectâ eâ, quæ  
 in Cælo ei repositâ erat coronâ,  
 vocemq; de Cælo audiêrit in hæc  
 verba. *Lætare in Domino, ecce  
 quæ percipies pro tuo servitio.* Ta-  
 lis est vita, & fervor, & mors, &  
 corona flagrantium in amore Dei,  
 Non finit illos dormire mor-  
 tis, iudicij, inferni, & Gloriæ cæ-  
 lestis memoria. At quanta est illa  
 gloria Beatorum? Nec oculus vi-  
 dit, nec auris audivit, nec in cor  
 hominis ascendit, quæ præpara-  
 vit Deus illis qui diligunt illum.  
*Inquit Apostolus 7. Cor: 2.*

Cum magno teneretur deside-  
 rio. *D. Augustinus sciendî quan-  
 ta sit gloria Beatorum in Cælo,  
 decrevit in hoc negotio consu-  
 lere*



lere *S. Hieronymum*, qui tunc  
 obierat in scio ipso. Vix Episto-  
 læ salutationem scripserat, & ec-  
 ce præstò adest *S. Hieronymi*  
 anima ineffabili lumine circumse-  
 pta. Expavit. *S. Augustinus* cor-  
 ruens in terram. *Ne timeas*, (in-  
 quiebat vox è splendore proce-  
 dens.) *Ego sum frater tuus Hie-  
 ronymus, qui in hac hora apud  
 Bethleem in Cælum migravi.  
 Novi d siderium tuum. Glorie  
 Beatorum magnitudinem nôsse  
 aues? Peto à te, nunquid potes  
 numerare multitudinem stella-  
 rum? nunquid poteris totum ma-  
 re parvo vase concludere? nun-  
 quid totum mundum pugillo tuo  
 complecti? Respondit Augustinus  
 & bene, se nihil horum posse.  
 Subdit *S. Hieronymus: Dico ti-  
 bi, hæc omnia magis possibilia,  
 quàm**

quàm minimam futuræ gloriæ partem explicare. Excedunt omnia humanæ mentis captum. Operare quod operaris, ut tandem ad eadem gaudia cursu vitæ demenso pertingere merearis, & sic evanuit *S. Augustinum*, ingenti gaudio peritum relinquens. *Didacus dela Vega in Psalmum 50.*

B. Ioanna Sanctimonialis post mortem sorori suæ Sanctimoniali adfuit, ac dixit: *Talia esse Cæli gaudia, ut etiamsi firmamentum totum, nonnisi membrana, pelagus, atramentum, herbe & gramina, calami, omnes deniq; creaturæ scriptores essent; ea explicare non possent.* Menelog: Cisterciense.

*Idem* & ipse dæmon aliquando ex ore obsessi dixit: *Si totum Cælum esset pargamentum, & totum ma-*

mare atramentum. & omnes stelle,  
Magistri Parisienses, & omnia  
stramina, calami: hi omnes Magi-  
stri, & ceteri, nec exprimere scri-  
bendo; nec exponere loquendo pos-  
sent minimum gaudium, quod per-  
cipiunt Sancti ex vultu Dei.  
Stanibur: de 4. noviss:

Iordanus è D. Dominici fami-  
lia vir magnus interrogavit homi-  
nem à dæmone infessum, quid  
perpeti non recusaret ut Deum  
intueri posset? ad quæ invisus ho-  
spes respondit: Si ego solus omni-  
um sociorum meorum infernalium  
pænis ac supplicijs par essem, non  
eas detrectarem usq; ad supremi  
judicij diem perferre, modò demùm  
liceret Deum intueri. Expavit ve-  
hementissimè ad has voces Iorda-  
nus, & iterum, dic, ait pulchri-  
tudinem Conditoris nostri, cui  
rei

rei creatæ comparandam censes?  
 hæc stultè quæri, malus genius re-  
 posuit. Sed quia id scire aves,  
 compendio dicam: *Si pulchritu-  
 do omnium florum, gemmarum,  
 syderum, animalium, hominum,  
 in unam conflueret elegantiam,  
 quis mortalium eam satis æstima-  
 verit?* Atqui certò scias hanc om-  
 nium rerum creatarum venusta-  
 tem, velut colliquatam cum Di-  
 vina pulchritudine, minùs con-  
 ferri posse quàm densissimas tene-  
 bras ad clarissimum meridiem.  
*Ioan: Herodotus in serm: l. 5.*

Hinc *Franciscus Arias l. de  
 imitat: Christi 1. par: tr: 3. c. II.*  
*Si, inquit, Sanctorum aliquis per  
 mille annos in hac vita omnia tor-  
 menta Martyrum perferret; dein  
 Deus tantùm per spatium unius  
 salutationis Angelicæ se illi osten-  
 deret*

deret in gloria, fateretur sufficientem se accepisse mercedem. Idcirco S. Chrysostomus, ut uno ictu oculi per transfennam contueri liceret venustissimum IESU vultum, plenum gratiarum, paratum se omnia inferorum cruciamenta experiri, professus est.

Quòd si Deus ( *inquit S. Brigitta in revelationibus suis,* ) hodie nobis venustatem demonstraret unius animæ Beatæ, tantus foret cordium nostrum iubilus atq; exultatio; ut citra speciale Dei miraculum præ lætitiæ exuberantia supervivere non possemus.

*Author Philosophiæ veri Christiani* meminit dæmonis ore emergumeno coacti, ad quæ sita de felicitate prædestinatorum in Cælo regnantium respondere, qui dixerit: *se, si corpus haberet, paratum*

tum fore in mortario contundi, aut  
 exuri in fornace aliqua usq<sup>3</sup> ad fi-  
 nem mundi, ad hoc, ut vel ad  
 quartam horæ partem beatis præ-  
 destinatorum gaudijs frui posset,  
 pag: 94.

Coloniæ ante annos circiter  
 400. in æde D. Petri multa dia-  
 bolus per fæminam à se infessam  
 effutivit. Inter cætera interroga-  
 tus, me audiente (inquit *Cæsius*  
*l. 5. Mir: 10.*) quid de suo ad  
 Cælum reditu sentiret, quo cum  
 pretio si posset, emeret? Ad hæc  
 malæ fidei possessor: *Si à terra,*  
*inquit, ad nubes usq<sup>3</sup> columna por-*  
*rigeretur, clavis, cultris, & no-*  
*vaculis, undiq<sup>3</sup> præfixa, & ego*  
*humanâ carne ac membris vesti-*  
*tus, per eam dies noctesq<sup>3</sup> sine in-*  
*termissione usq<sup>3</sup> ad diem judicij*  
*sursum, deorsum trabendus essem,*

id

id prorsus non recusarem, modò in  
 eam quâ excidi & gratiam & glo-  
 riam redire liceret. Et nos deli-  
 catuli pro obtinenda hac immen-  
 sa gloria æterna, minimas etiam  
 molestias subire formidamus! Non  
 nobis columna figitur præacutis  
 armata ferramentis, in qua sur-  
 sum, deorsum raptati irrequieto  
 cruciatu laceremur. Non exigit  
 à nobis Deus, ut omnia omnium  
 diabolorum tormenta sustineam-  
 us, sed ut solum Cælum emam-  
 us. Deus enim mercatorem, agit,  
*D. Augustino præcone ac inter-*  
*prete. Venale est quod habeo, di-*  
*cit tibi Deus, eme illud. Quid ha-*  
*bes venale? Requiem venalem ha-*  
*beo, eme illam: pretium ipsius la-*  
*bor est. Rectè nimirum paupertate*  
 Regnum, dolore gaudium, vir-  
 tute gloria, morte vita, requies

labore emitur. Age, age; fructus  
 labori amplissimè respondebit. O  
 si sciretis quantos & quales soci-  
 os haberetis in Cælis, profectò  
 caveretis vobis ab omni negligencia!  
 dixit excitans nos ad fervo-  
 rem mortuus ille, qui S. Bernar-  
 do apparuit. *Teste Horstio oper:*  
*S. Ber: t. 1. vita l. 7. c. 1.*

Cælum tibi est propositum,  
 (*inquit S. Chrysostomus in Psal:*  
*124.*) & bona quæ sunt in Cælis:  
 & non perhorrescis esse mollis &  
 ignavus, idq; cum talem habeas  
 adiutorem? Deus Charitas est:  
 Ille te juvat. Ama te juvantem  
 dum pugnas; & eò magis te juva-  
 bit, quò magis amaveris & pu-  
 gnabis. O quisquis es fidelis Chri-  
 sti Minister, qui in hujus honore  
 præliaris, qui totum te pro Ec-  
 clesie obsequio, pro animarum

sub-



subsidio impendis! audi ipsummet  
Deum, tibi quod olim alteri fi-  
delissimo sibi servo dicentem: *No-  
li timere, ego protector tuus sum,  
& merces tua magna nimis.* Gen:  
15. Verè merces magna nimis pro-  
pter nimiam scilicet charitatem,  
quâ dilexit nos, nimis quippe ho-  
norati sunt amici tui Deus, nimis  
confortatus est principatus eo-  
rum. *Eph: 2. Psal: 138.*

Verùm ad magna præmia (*in-  
quit D. Gregorius hom: 37. in  
Evangel:)* perveniri non potest,  
nisi per magnos labores; Regnum  
enim Cælorum vim patitur, neq;  
coronabitur, nisi qui legitime  
certaverit. Delectet igitur men-  
tem ingens magnitudo præmio-  
rum, sed non detereat certamen  
aborum. Imò ipsa promissæ glo-  
riæ magnitudo animi magnitudi-  
nem

nem excitet; & ad difficilia quæq; pro  
 Dei gloria subeunda, Christi Sacerdo-  
 tem & Ministrum obfirmet.

Quoties igitur in ipsis Ministerijs  
 Ecclesiasticis aliquid occurret naturæ  
 durum & asperum, quoties urgebit  
 tentatio aliqua, & contra Spiritualia  
 nequitiae subeunda erit colluctatio,  
 Cælum suspice, & illic Christum re-  
 gnantem palmas ac coronas manu pro-  
 tendentem intuere; tibiq; sæpius in  
 mentem revoca, quis sit laborum tuo-  
 rum terminus? quis suscepti Ministe-  
 rij finis?

Ingens quidem (ait *S. Gregorius  
 Nazian:*) nobis cursus propositus est;  
 cæterum ingentius præmium: *In  
 Senten:* Quis enim alius est noster fi-  
 nis, (inquit *S. Augustinus l. ult: de  
 Civit: Dei c. ult:*) quam perve-  
 nire ad Regnum, cujus nul-  
 lus est finis.

Ad M. D. T. O. M. G.  
 B. V. M. S. L. O. C.  
 Honorem.

o  
s  
e  
t  
a  
o  
n  
s  
;  
e

